



廣州府志

ル 5  
1212  
37



書  
附  
錄  
卷  
一  
百  
四

宦  
績  
一

門 儿 56  
號 1212  
卷 37

廣州府志卷一百四

宦績

一

唐

秦

漢

吳

晉

劉宋

南齊

梁

陳

隋

謹案廣州為省會紀宦績者類由督撫以逮監司然以一州之地而牽連及於中朝匪惟體例之乖抑亦界限之雜也茲惟以廣州為主其有曾經仕廣而績不在廣或績著於廣而遷移升轉仍不屬廣亦祇紀在廣之績餘並刪焉至若開國之初盪瑕滌穢朝廷褒伐自嘉耆定之功而百姓之顛連殆不可問如斯之類概不濫登惟夫捍災禦患興學育才雖惠必均沾而廣先受賜此督撫監司之功也若乃州縣之官實惟父母涓滴之恩皆歸身受前志所列口碑諒匪無因爰具載之不敢妄削焉



任囂

趙佗以上秦

羅宏

鄧讓

吳恢

周乘

黃演以上兩漢

呂岱

步騭

孔嵩

吳展

虞授

滕脩

鍾離牧以上三國吳

郭訥

陶侃

鄧嶽

羅友

孔汪

吳隱之

劉謙之

王鎮之

王誕

袁宏以上晉

陸展

陸徽

劉勔

王琨

羊希子崇

陳伯紹

謝昌寓

鄧琬

沈法系

陸法真

伏曼容

到遁以上宋

陶季直南齊

蕭勵弟勃

王僧孺

王勣

周文育以上梁

沈君高

馬靖

王猛

孫瑒以上陳

章洸子協

慕容三藏

劉權以上隋

劉齡之

馮立

王方慶

宋璟

裴仙先

張九章

張祐

宗仲

杜佑

鄭綱

盧奐

李勉

孔戣

李憲

盧鈞

韋正貫

李承勛

蕭倣

鄭從讜

劉宗龜

鍾傳 以上唐

楊覃

呂居簡

蕭注

王罕

榮謹

魏瓘

張田

程師孟

龔茂良

詹儀之

李綸

曾治鳳

陳峴

徐清叟

楊長孺

方大琮

黃洧

方信孺

余炎

李維清

徐休復

張鑑

馬亮

狄棐

劉湜

李兌

盧士宏

蔣之奇

章燾

唐義問

留恭

周種

連南夫

陳橐

王宗已

趙良坡

陳樸

李迪

孔勗

徐九思

林勳以上宋

秦

任囂秦南海尉病且死召龍川令趙佗語曰聞陳勝等作亂秦為無道天下苦之項羽劉季陳勝吳廣等州郡各共興軍聚眾虎爭天下中國擾亂未知所安豪傑畔秦相立南海僻遠吾恐盜兵侵地至此吾欲興兵絕新道自備待諸侯變會

病甚且番禺負山險阻南海東西數千里頗有中國人相輔

此亦一州之主也可以立國郡中長吏無足與言者故召公

告之即被佗書行南海尉事囂能和輯粵眾粵人皆附天下

大亂而南海晏然不被兵革囂之力也據史記趙佗傳黃通志修

趙佗真定人也秦并天下畧定揚粵置桂林南海象郡以適

徙民與粵雜處十三歲至二世時南海尉任囂病且死召佗

被佗書行南海尉事囂死佗即移檄告橫浦陽山湟谿關曰

盜兵且至急絕道聚兵自守因稍以法誅秦所置吏以其黨

為假守秦已滅佗即擊并桂林象郡自立為南粵武王據漢書兩

粵傳

兩漢

羅宏長沙人元封五年初置交州部刺史察所部郡國治所

廣州府志

卷一百四

宦績一

四

在蒼梧郡往刺史多以荒遠行部罕遍部吏因得恣其貪殘  
宏為刺史春行冬息徧歷所部咨詢疾苦太守多解綬請罪  
宏廉實舉發一時貪殘為之斂迹所至繕葺城社番禺都內  
尉佗有南武城其北越王山路井陌連磴相傳為宏所闢云

據黃通志修

鄧讓南陽人建武初為交趾牧時海邦騷動閉境自守將軍  
岑彭素善讓貽書陳漢威德於是讓以所部太守江夏侯登  
武陵王堂桂陽張隆零陵田翁蒼梧杜穆交趾錫光等歸附

據張府志修

吳恢陳留人也順帝時為南海太守欲殺青簡以寫經書子  
祐年十二隨官諫曰大人踰越五嶺遠在海濱多珍異國家  
猜疑權戚覬望此書若成則載之兼兩昔馬援以薏苡興謗

王陽以衣囊微名嫌疑之間先賢所謹恢乃止撫祐背曰我  
家世不乏季子矣恢臨政慎謚以清白著聲祐後為河間相  
生二子鳳愷及孫駕皆仕宦有名於世

據張府志修

周乘字子居安城人天資聰明高峙嶽立非陳蕃黃憲之徒  
則不交也中平初與憲及封祈等六人以孝廉為太守李張  
所舉拜郎中遷鄢陵長建安中被徵拜侍御史公車司馬令  
不畏強禦以是見怨於幸臣出為交趾刺史上書云南交絕  
域習於貪濁強宗聚奸長吏肆狡侵漁萬民貽毒久矣今為  
本朝掃清一方是時屬城解綬者三十餘人嶺表肅然陳蕃  
常嘆曰若周子居者真治國之器譬諸寶劍則世之干將其  
為名流推重如此

據張府志修

黃演字元長江陵人少有至性父母病輒不飲食病止復故

章和中舉孝廉仕番禺令蒞政廉平鎮靜不擾吏民安之同上

三國吳

呂岱字定公廣陵海陵人延康元年代步騭為交州刺史以功遷安南將軍假節封都鄉侯交阯太守士燮卒權以燮子徵為安遠將軍領九真太守以校尉陳時代燮岱表分海南三郡為交州以將軍戴良為刺史海東四郡為廣州岱自為刺史遣良與時南入而徵不承命舉兵戍海口以拒良等岱於是上疏請討徵罪督兵三千人晨夜浮海或謂岱曰徵藉累世之恩為一州所附未易輕也岱曰今徵雖懷逆計未虞吾之卒至若我潛軍輕舉掩其無備破之必也稽留不速使得生心嬰城固守七郡百蠻雲合響應雖有智者誰能圖之遂行過合浦與良俱進徵聞岱至果大震怖不知所出即率

兄弟六人肉袒迎岱皆斬送其首徵大將甘醴桓治等率吏民攻岱奮擊大破之進封番禺侯於是除廣州復為交州如故黃龍三年以南土清定召岱還屯長沙岱清身奉公所在可述初在交州歷年不餉家妻子饑乏權聞之歎息以讓羣臣曰呂岱出身萬里為國勤事家門內困而孤不早知股肱耳目其責安在於是加賜錢米布絹歲有常限據吳書本傳修步騭字子山淮陰人建安中孫權為討虜將軍召騭掌書記除海鹽長歷交州刺史吳中舊遊聞之曰步子山有此功業日闕矣明年拜使持節征南中郎將劉表所置蒼梧太守吳巨陰懷異心外附內違騭計斬之威聲大振交阯太守士燮兄弟相率供命南土之賓自此始初州治在番禺故城西接牂牁沮洳難居騭治佗故都築立城郭民用綏集拜平戎



將軍封廣信侯據張府志修

孔嵩字仲山謹按謝書作巨山南陽人少遊太學有高節家貧親老

乃變名姓傭為新野縣阿里街卒正身勵行街中子弟皆服

其訓化遂辟公府仕至南海太守在郡清白麤袍糲食如貧

賤時士民咸敬之據黃通志修

吳展字士季下邳人篤學慎行為鄉里所重州舉孝廉仕至

廣州刺史為政清平著聲南嶠秀才蔡洪稱其忠足矯非清

足厲俗信可結神才堪幹世被徵而去後為吳郡太守吳平

還下邳閉門自守不交賓客誠聖王之老成明時之儁父也

言於刺史周俊欲其薦展竟不出據黃通志修

虞授會稽餘姚人也少嗜經史壯負智畧永安中州郡以文

武才幹舉為奏曹掾歷仕至廣州刺史軫恤災旱申理幽滯

廣民愛之行部所至密擒寇賊勸相農桑闔境大治三年代

去後南土盜發天紀末復用授為廣州督居嘗以馬革裹屍

自許郭馬作亂授竟死難人以為讖云同上

滕修字顯先南陽西鄂人仕吳為將帥孫皓時代熊睦為廣

州刺史甚有威惠徵為執金吾廣州部曲督郭馬等為亂皓

以修夙有威惠為嶺表所服以為使持節都督廣州軍事鎮

南將軍廣州牧以討之未剋而王師伐吳修率眾赴難至巴

邱而皓已降乃縞素流涕而還與廣州刺史閻豐蒼梧太守

王毅各送印綬以修為安南將軍廣州牧持節都督如故封

武當侯加鼓吹委以南方事在南積年為邊夷所附太康九

年卒孫含授平南將軍廣州刺史在任積年甚有威惠含弟

子遯交州刺史據晉書本傳修

鍾離牧字子幹會稽山陰人赤烏五年從郎中補太子輔義都尉遷南海太守始興太守羊衡與太常滕允書曰鍾離子幹吾昔知之不熟定見其在南海威恩部伍智勇分明加操行清純有古人之風其見貴如此在郡四年以疾去職據三國志

注引會稽典錄修

晉

郭訥武昌人廣州刺史杜弼在湘中賊眾共推弼為主弼自稱梁益二州牧平難將軍湘州刺史攻破郡縣刺史荀眺委城走廣州訥遣始興太守嚴佐率眾攻弼弼逆擊破之荊州刺史王澄復遣王機擊弼敗於巴陵機就王敦求廣州敦不許會廣州人背訥迎機為刺史機遂將奴客門生千餘人入廣州州部將温邵率眾迎機敦遣將軍葛幽追之及於廬陵

機叱幽曰何以敢來欲取死耶幽不敢逼而歸敦訥聞邵之納機也乃遣兵擊邵反為所破訥又遣機父兄時吏距之咸倒戈迎機訥眾皆散乃握節而避機機遂入城就訥求節訥歎曰昔蘇武不失其節前史以為美談此節天朝所假義不相與自可遣兵來取之機慚而止據晉書王

陶侃字士行本鄱陽人也吳平徙家廬江之尋陽以軍功封東鄉侯王敦忌其功左轉廣州刺史平越中郎將先是廣州人背刺史郭訥迎長沙人王機為刺史機復遣使詣王敦乞為交州敦從之而機未發會杜宏據臨賀因機乞降勸宏取廣州宏遂與温邵及交州秀才劉沉俱謀反或勸侃且住始興觀察形勢侃不聽直至廣州宏遣使偽降侃知其詐先於封口起發石車俄而宏率輕兵至知侃有備乃退侃追擊破

之執劉沉於小桂又遣部將許高討機斬之傳首京師諸將皆請乘勝擊温邵侃笑曰吾威名已著何事遣兵但一函紙自足耳於是下書諭之邵懼而走追獲於始興以功封柴桑侯食邑四千戶侃在州無事輒朝運百甓於齋外暮運於齋內人問其故答曰吾方致力中原過爾優逸恐不堪事其勵志勤力皆此類也蘇峻之亂以功進侍中太尉加羽葆鼓吹改封長沙郡公邑三千戶賜絹八千匹加都督交廣甯七州軍事咸和七年六月疾篤上表遜位薨於樊谿時年七十六

據晉書本傳修

鄧嶽字伯山陳郡人也少有將帥才畧為敦參軍轉從事中郎西陽太守郭默之殺劉允也大司馬陶侃使嶽率西陽之眾討之默平遷督交廣二州軍事建武將軍領平越中郎將

廣州刺史假節錄前後勲封宜城伯咸康三年嶽遣軍伐夜

郎破之加督甯州進征虜將軍遷平南將軍卒子遐嗣嶽弟

逸字茂山亦有武幹嶽卒後以逸監交廣州建威將軍平越

中郎將廣州刺史假節

據晉書本傳修

羅友襄陽人刺廣州政舉大綱不存小察吏民以安

據張府志修

孔汪字德澤會稽山陰人好學有志行孝武帝時位至侍中

時茹千秋以佞媚見幸於會稽王道子汪屢言之於帝帝不

納遷尚書太常卿以不合意求出為假節都督交廣二州諸

軍事征虜將軍平越中郎將廣州刺史甚有政績為嶺表所

稱太元十七年卒

據晉書孔愉傳修

吳隱之字處默濮陽鄆城人魏侍中質六世孫美姿容善談

論博涉文史以儒雅標名弱冠而介立有清操雖日晏歡菽

不饗非其粟擔石無儲不取非其道廣州包山帶海珍異所  
出一篋之寶可資數世然多瘴疫人情憚焉惟貧窶不能自  
立者求補長史故前後刺史皆多黷貨朝廷欲革嶺南之弊  
隆安中以隱之爲龍驤將軍廣州刺史假節領平越中郎將  
未至州二十里地名石門有水曰貪泉飲者懷無厭之欲隱  
之既至語其親人曰不見可欲使心不亂越嶺喪清吾知之  
矣乃至泉所酌而飲之因賦詩曰古人云此水一軟懷千金  
試使夷齊飲終當不易心及在州清操踰厲常食不過菜及  
乾魚而已帷帳器服皆付外庫時人頗謂其矯然亦始終不  
易帳下人進魚每剔去骨存肉隱之覺其用意罰而黜焉及  
盧循寇南海隱之率厲將士固守彌時長子曠之戰沒循攻  
擊百有餘日踰城放火焚燒三千餘家死者萬餘人城遂陷

隱之攜家累出欲奔還都爲循所得循表奏朝廷以隱之黨  
附桓元宜加裁戮詔不許劉裕與循書令遣隱之還久方得  
反歸舟之日裝無餘貲其妻劉氏齋沉香一片隱之見之遂  
投於湖亭之水義熙九年卒追贈光祿大夫加散騎常侍

書本  
傳修

劉謙之彭城呂人好學撰晉紀二十卷義熙末爲始興相東

海人徐道期流寓廣州無士行爲僞舊所凌侮因刺史謝欣  
死合率羣不逞之徒作亂攻沒州城殺士庶素憾者百餘傾  
府庫招集亡命出攻始興謙之破走之進平廣州誅其黨羽  
仍行州事卽以爲振威將軍廣州刺史

據宋書劉  
康祖傳修

王鎮之字伯重琅邪臨沂人徵士宏之兄也出爲使持節都  
督交廣二州諸軍事建威將軍平越中郎將廣州刺史高祖

謂人曰王鎮之少著清績必將繼美吳隱之嶺南之弊非此不康也在鎮不受俸祿蕭然無所營去官之日不異始至高祖踐祚鎮之以脚患自陳出為輔國將軍瑯邪太守永初三年卒於官時年六十六

據晉書良吏傳修

王誕字茂世瑯邪臨沂人大保宏從兄也祖恬中軍將軍父混太常誕少有才藻諂事會稽王世子元顯元顯討桓元欲悉誅桓氏誕固陳修等與元志趣不同由此得免修誕甥也及元得志誕將見誅修為之陳請又言修等得免之由乃徒誕廣州盧循據廣州以誕為其平南府長史甚賓禮之誕久客思歸乃說循曰下官流遠在此被蒙殊眷士感知已實思報答本非戎旅在此無用素為劉鎮軍所識情味不淺若得北歸必蒙任寄公私際會思報厚恩愈於停此空移歲月循

甚然之時廣州刺史吳隱之亦為循所拘留誕又曰將軍今留吳公公私非計孫伯符豈不欲留華子魚但以一境不容二君耳於是誕及隱之並得還除員外散騎常侍未拜高祖請為太尉諮議參軍轉長史盡心歸奉日夜不懈高祖甚委仗之

據宋書本傳修

袁宏字彥伯侍中猷之孫也父最臨汝令宏有逸才文章絕美哀帝時為南海太守表章行誼大興風教漢徵士番禺董正學行著在南士宏奏旌其門

據黃通志修

宋

陸展少善詞章嘗撰世說新語人競傳之元嘉中為增城令歷南海太守務持大體不為苛細士民安之後改守潯陽

志粵大記修

陸徽字休猷吳郡人元嘉十四年為始興太守明年仍除使持節交廣二州諸軍事綏遠將軍平越中郎將廣州刺史清名亞王鎮之為士民所愛詠上表薦士曰臣聞陵雪褒穎貞柯必振尊風賞流清原斯挹是以衣囊揮譽於西京折轅延高於東帝伏見廣州別駕從事史朱萬嗣年五十三字少豫理業冲夷操秉純白行稱私庭能著官政雖氏非世祿宦無通資而隨牒南服位極僚首九綜州綱三端府職頻掌蕃機屢績符守年暨知命廉尚愈高冰心與貪流爭激霜情與晚節彌茂厯宰金山家無寶鏤之飾連組珠海室靡瑠珉之珍确然守志不求聞達實足以澄革汙吏洗鏡貪氓臣謬忝司牧任專萬里雖情祇慎擢才闕豪露敢聲愚陋舉其所知如得提名禮闈抗迹朝省搏嶺表之清風負冰宇之潔望則恩

融一臣而施光萬物敢緣天澤雲行時德雨施每甄外州榮

加遠國是以獻其瞽言希垂聽覽二十一年徵以為南平王

鑠冠軍司馬長沙內史行湘州府事據宋書良吏傳修

劉劭字伯猷彭城人也少有志節兼好文義家貧為廣州增

城令廣州刺史元嘉末蕭簡據廣州為亂劭起義討之燒其

南門廣州刺史宗慤又命為軍府主簿以功封大亭侯除員

外散騎侍郎後以功還京都拜太子左衛率封鄱陽縣侯食

邑千戶桂陽王休範為亂戰敗死之贈司空子峻嗣順帝昇

明末為廣州刺史齊受禪國除據宋書本傳修

王琨瑯琊臨沂人轉吏部郎吏曹選局出為持節都督廣交

二州軍事建威將軍平越中郎將廣州刺史南土沃實在任

者常致巨富世云廣州刺史但經城門一過便得三千萬也

琨無所取納表獻祿俸之半州鎮舊有鼓吹又啓輸還及罷任孝武知其清問還資多少琨曰臣買宅百三十萬餘物稱之帝悅其對

據齊書本傳修

羊希字泰聞少有才氣泰始三年出爲甯朔將軍廣州刺史希初請女夫鎮北中兵參軍蕭惠徽爲長史帶南海太守太宗不許又請爲東莞太守希旣到鎮長史南海太守陸法真喪官希又請惠徽補任詔曰希卑門寒士累世無聞輕薄多豐備彰厯職徒以清刻一介擢授嶺南干上逞欲求訴不已可降號橫野將軍初李萬周劉嗣祖藉畧廣州太宗以萬周爲步兵校尉加甯朔將軍權行廣州事希旣至而萬周等並有異圖希誅之希以沛郡劉思道行晉康太守領軍伐俚思道違節度失利希遣收之思道不受命率所領攻州希遣平

越長史鄒揆於朝亭拒戰軍敗見殺思道進攻州城司馬鄒嗣之拒之西門戰敗又死希踰城走思道獲而殺之府參軍鄒曼率數十人襲思道旣得入城力不敵又敗東莞太守蕭惠徽率郡文武千餘人攻思道戰敗又見殺時龍驤將軍陳伯紹率軍伐俚還擊思道定之贈希輔國將軍惠徽中書郎嗣之越騎校尉希子崇字伯遠尙書主客郎丁母憂哀毀過禮及聞廣州亂卽日便徒跣出新亭不能步涉頓伏江渚門義以小船致之於是進路父葬畢不勝哀卒

據宋書羊元保傳修

陳伯紹潁川人廣州西南有二江川源深遠別置都獲專征討之以伯紹爲西江都護泰始四年三月交州人李長仁據州叛妖賊攻廣州殺刺史羊南伯紹時爲龍驤將軍討平之

據阮通志修

謝昌寓陳都人也為劉峻廣州參軍孝性甚至嘗養一鵠昌寓病二旬而鵠二旬不食昌寓亡而鵠遂飛去據南史孝義傳修

鄧琬字元琬豫章南昌人也世祖起義版琬為輔國將軍南海太守率軍伐蕭簡於廣州攻圍踰年乃克以臧質反為江州刺史宗慤所執值赦原琬弟璩與臧質同逆質敗從誅琬弟環亦坐誅琬在遠又有功免死遠徙仍停廣州久之得還

據阮通志修

沈法系字體先吳興武康人也有將用世祖伐逆以為南中郎參軍加甯朔將軍領三千人前發事平以為甯朔將軍始興太守討蕭簡於廣州聞臺軍將至簡誑其眾曰臺軍是賊劭所遣並信之前征北將軍顧邁被賊徒在城內善天文云荆江有大兵城內由此固守初世祖先遣鄧琬圍簡唯治一

攻道法系至曰宜四面並攻若守一道何時可拔琬慮功不

在己不從法系曰更相守五十日日盡又不克乃從之八道

俱攻一日即拔斬蕭簡廣州平封庫藏付鄧琬而還官至驍

騎將軍尋陽太守據宋書沈慶之傳修

陸法真吳郡人歷官有清節嘗為劉秀之安北錄事參軍太

山羊希與安北咨議參軍孫詵書曰足下同僚似有陸錄事

者此生東南名地又張元外孫持身至清雅有志節年高官

下秉操不衰計當日夕相與申意太宗初為南海太守卒官

據宋書良吏傳修

伏曼容字公儀平昌安邱人早孤與母兄客居南海少篤學

聚徒教授以自業為驃騎行參軍昇明末為輔國長史南海

太守至石門作貪泉銘天監元年卒據南史儒林傳修



到遁武源人宋元微中為甯遠將軍輔國長史南海太守在郡嚴公有威刺史陳顯達出令遁不苟從後以力諫見殺據張

府志修

南齊

陶季直丹陽秣陵人也祖愨祖宋廣州刺史父景仁中散大夫季直早慧愨祖甚愛異之遷太尉記室參軍出為冠軍司馬東莞太守在郡號為清和據梁書本傳修

梁

蕭勵字文約弱不好弄喜愠不形於色位太子洗馬除淮南太守徙廣州刺史廣州邊海舊來外國舶至多為刺史所侵每年舶至不過三數及勵至纖毫不犯歲十餘至俚人不賓多為海暴勵征討所獲生口寶物軍賞之外悉送還臺前後

刺史皆營私蓄方物之貢少登天府自勵在州歲中數獻軍國所須相繼不絕武帝歎曰朝廷便是更有廣州有詔以本號還朝而江西俚帥陳文徹出寇高要詔勵重申蕃任未幾文徹降附徵為太子左衛率卒諡光弟勃位定州刺史封曲江鄉侯大寶初廣州刺史元景仲將謀應侯景西江督護陳霸先攻景仲迎勃為刺史時湘東王繹在荊州雖承制授職力不能制遂從之勃乃鎮嶺南為廣州刺史後江表定以王琳代為廣州以勃為晉州刺史魏剋江陵勃復據廣州敬帝承制加司徒紹泰中為太尉尋進為太保及陳武禪代之際舉兵不從尋敗遇害據阮通志修

王僧孺字僧孺東海郟人天監初除臨川王後軍記室參軍待詔文德省尋出為南海太守郡常有高涼生口及海舶每

歲數至外國賈人以通貨易舊時州郡以半價就市又買而

卽賣其利數倍歷政以為常僧孺乃歎曰昔人為蜀部長史

終身無蜀物吾欲遺子孫者不在越裝並無所取視事期月

有詔徵還郡民道俗六百人詣闕請留不許據梁書本傳修

王勣字公濟通之弟也美風儀博涉書史恬然清簡梁武帝

時河東王為廣州刺史乃以勣為冠軍河東王長史南海太

守王至嶺南多所侵掠因懼罪稱疾委州還朝勣行廣州府

事越中饒沃前後守宰例多貪縱勣獨以清白著聞人為給

事黃門侍郎據阮通志修

周文育字景德陽羨人多智畧精騎射梁大同中除南海令

勸課百姓有循良風邑多盜縱橫海上聞文育威名無敢竊

發者累官都督江衡交廣諸軍事據陳書本傳郭通志修

陳

沈君高字季高少知名性剛直有吏能以家門外戚早居清

顯出為宣遠將軍平南長沙王長史南海太守行廣州事以

女為王妃固辭不行復為衛尉卿八年詔授持節都督交廣

等十八州諸軍事甯遠將軍平越中郎將廣州刺史嶺南俚

獠世相攻伐君高本文吏無武幹推心撫御甚得民和十年

卒於官時年四十七贈散騎常侍諡曰祁子據陳書沈君理傳修

馬靖廣州刺史甚得嶺表人心而兵甲精練每年深入俚洞

又數有戰功朝野頗生異議高宗以蕭引悉嶺外物情且遣

引觀靖審其舉措諷令送質引密奉旨南行外託收督賧物

既至番禺靖卽悟旨盡遣兄弟下都為質據陳書蕭引傳修

王猛字世雄本名勇至德初為左驍騎將軍加散騎常侍深

見信重時孔範施文慶等并相為比周害其梗直議將出之  
而未有使會廣州刺史馬靖不受徵乃除猛都督廣東衡州  
刺史領始興內史與廣州刺史陳方慶共取靖猛至即擒靖  
送建鄴進爵為公加先勝將軍平越中郎將大都督發廣桂  
等二十州兵討嶺外荒梗所至皆平禎明二年詔授鎮南大  
將軍都督二十四州諸軍事尋命徙鎮廣州未之鎮而隋師  
濟江猛總督所部赴援時廣州刺史臨汝侯方慶西衡州刺  
史衡陽王伯信並隸猛督府各觀望不至猛使高州刺史戴  
智烈清遠太守曾孝遠各以輕兵就斬之而發其兵及聞臺  
城不守乃舉哀素服藉藁不食歎曰申包胥獨何人哉因勒  
兵緣江拒守以固誠節及審後主不死乃遣其部將辛昉馳  
驛赴京歸款隋文帝大悅即日拜昉開府儀同三司仍詔猛

與行軍總管韋洸便留嶺表經畧猛尋卒於廣州文帝聞而  
痛之遣使祭弔贈上開府儀同三司封歸仁縣公據南史王  
淮之傳修  
孫瑒字德璉吳郡人祖文惠齊越騎校尉清遠太守瑒少倜  
儻好謀畧博涉經史尤長書翰始為衡州平南府司馬破黃  
洞蠻賊有功除東莞太守行廣州刺史在州能理民黎懷之  
後為五兵尚書領右軍將軍侍中如故貞明元年卒於官諡

曰桓子據張府  
志修

隋

韋洸字世穆性剛毅有器幹少便弓馬仕周累遷開府隋文  
帝為丞相公伐陳之役為行軍總管及陳平拜江州總管畧  
定九江遂進圖嶺南上與書慰勉之洸至廣州嶺表皆降之  
上聞而大悅許以便宜從事洸所綏集二十四州拜廣州總

管歲餘番禺夷王仲宣反以兵圍泚泚拒之中流矢卒贈上

柱國賜綿絹萬段諡曰敬子協字欽仁好學有雅量位秘書

郎其父在廣州有功上命協齎詔書勞問未至而父卒上以

其父死王事拜協柱國

據北史本傳修

慕容三藏太原王恪之後紹宗子也幼聰敏多武畧頗有父

風隋開皇元年授吳州刺史九年副襄陽公韋泚討平嶺南

至廣州泚中流矢卒詔三藏檢校廣州道行軍事以功授大

將軍所在有惠政大業七年卒

據北史慕容紹宗傳修

劉權字世畧彭城豐人也祖軌齊羅州刺史權為南海太守

行至鄱陽會羣盜起不得進詔權召募討之權率兵遇賊不

戰先乘單船詣賊營說以利害羣賊感悅一時降附帝聞而

嘉之及至南海甚有異政數歲遇盜賊羣起羣豪願推權為

首權稱四方擾亂諷令舉兵權召集佐寮對斬其使竟無異

圖守之以死卒官

據北史本傳修

唐

劉齡之彭城人唐武德中為廣州都督表稱嶺南州縣僻在

南服官其地者任情恣肆不顧憲章惟求潤屋其婚姻賞需

卽稅人子女百姓怨苦數叛且都督刺史多居莊宅經旬月

不一至府詞訟皆委判官敕詔施行者纔經省覽而已且首

領娶部民女為妻妾不限多少肆情侵奪民不堪命疏奏下

詔禁止民俗便之

據張府志修

馮立同州馮翊人也有武藝略涉書記突厥至便橋立率數

百騎戰於咸陽殺獲甚眾太宗聞而嘉歎拜廣州都督前後

作牧者多以黷貨為蠻夷所患由是數怨叛立到不營產業

衣食取給而已嘗至貪泉歎曰此吳隱之所酌泉也飲一杯水何足道哉吾當汲而為食安能易吾性乎遂畢飲而去在職數年甚有惠政卒於官

據舊唐書忠義傳修

王方慶

謹按新唐書列傳王繼字方慶以字行

雍州咸陽人也則天臨朝拜廣

州都督廣州地際南海每歲有昆侖乘舶以珍物與中國交市舊都督路元睿冒求其貨昆侖懷刃殺之方慶在任數載秋毫不犯又管内諸州首領舊多貪縱百姓有詣府稱冤者府官以先受首領參餉未嘗鞫問方慶乃集止府僚絕其交往首領縱暴者悉繩之由是境內清肅當時議者以為有唐以來治廣州者無出方慶之右有制褒之曰朕以卿歷職著稱故授此官既美化遠聞實副朝寄今賜卿襍綵六十段并瑞錦等物以彰善政也

據舊唐書本傳修

宋璟邢州南和人其先自廣平徙焉少耿介有大節弱冠舉進士坐事出為睦州刺史轉廣州都督仍為五府經畧使廣州舊族皆以竹茅為屋屢有火災璟教人燒瓦改造店肆自是無復延燒之患人皆懷惠立頌以紀其政開元初遷侍中累封廣平郡公廣人為璟立遺愛頌璟上言頌所以傳德載功也臣之治不足紀廣人以臣當國故為溢辭徒成諂諛者欲釐正之請自臣始有詔許停十七年為尚書右丞相而張說為左丞相二十年請致仕許之二十五年卒年七十五贈太尉諡文貞璟風度凝遠人莫涯其量始自廣州入朝帝遣內使楊思勗驛迓之未嘗交一言思勗自以將軍貴幸詠之帝帝亦嗟重

據新唐書本傳修

裴仙先絳州聞喜人炎從子也未冠推蔭為太僕丞炎死坐

流嶺南中宗復位求炎後授佺先太子詹事丞遷桂廣三州都督坐累且誅上召侍臣問當何罪張嘉貞請杖之兵部尚書張說進曰臣聞刑不上大夫以其近於君也故曰士可殺不可辱臣今秋受詔巡邊中途聞姜皎以罪於朝堂決杖配流而死皎官是三品亦有微功若其有犯應死則殺應流即流不宜決杖廷辱以卒伍待之且律有八議勲貴在焉皎事以往不可追悔佺先祇宜據狀流貶不可輕又決罰上如其言嘉貞不悅退謂說曰何言事之深也說曰宰相者時來即為豈能長據若貴臣盡當可杖但恐吾等行當及之此言非為佺先乃為天下士君子也嘉貞無以應開元以來四十年廣州節度清白者有四謂宋璟李朝隱盧興及佺先也

修

據阮通志

張九章曲江人九齡弟開元中為南海令多惠政好與民興

利戶口日增累遷桂陽長史嘗奉命封南海神為廣利王碑

刻尚存

據郭通志修

張祐字承吉清河人工詩性狷介受辭諸侯府輒自劾去知

南海以廉潔自持微若甲香詹糖一無所受期月間罷職惟

載羅浮石筍還平生不治產業沒後子孫幾不能給著有丹

陽集一卷

據黃通志郭通志修

宗仲字義仲南陽人少有材畧安史之亂以戰功累遷遊擊

將軍廣德初官廣州市舶使呂太一作亂節度使張體棄城

奔端州事聞詔以楊徽為御史中丞嶺南節度使仲忝其軍

為節度使判官以江西觀察使李勉共討之犄角相援者三

年仲潛軍間道克復廣州始通貢獻授大理寺少卿兼監察

御史永泰元年奏捷如京師卒據張府志修

杜佑字君卿杜陵人以蔭歷戶部侍郎建中初遷御史大夫

領廣州刺史嶺南節度使佑至廣為開大衢疏析塵閉以息

火災召拜尚書右丞復相德宗年老以太保致仕元和七年

卒贈太傅諡曰安簡佑政行兼修而性嗜學雖貴猶夜分讀

書先是劉秩為政典二十五篇房瑄稱才過劉向佑以為未

盡因廣其闕參益新禮為二百篇名曰通典奏之優詔獎美

據張府志修

鄭綱字文發滎陽人幼有奇志擢進士宏詞高第累遷嶺南

節度使綱本以儒術進守道寡欲所居不為烜赫而持己廉

平世以耆德推之以太子太傅致仕卒年七十八贈司空諡

曰宣據張府志修

盧奐滑州靈昌人歷任皆以清白聞時南海郡利兼水陸環

寶山積劉巨鱗彭果謹案新書作果相替為太守五府節度皆坐賊

鉅萬而死乃特授興為南海太守遐方之地貪吏斂迹人用

安之以為自開元以來四十年廣府節度清白者有四謂宋

璟裴仙先李朝隱及興中使市舶亦不干法加銀青光祿大

夫經三年人為尚書右丞卒據舊唐書盧懷慎傳修

李勉字元卿鄭王元懿曾孫也大歷四年謹按本紀作三年除廣州

刺史兼嶺南節度觀察使番禺賊帥馮崇道桂州叛將朱濟

時等阻洞為亂前後累歲陷沒十餘州勉至遣將李觀容州

刺史王翊并力招討悉斬之五嶺平前後西域舶泛海至者

歲纔四五勉性潔廉舶來都不檢閱故末年至者四十餘在

官累年器用車服無增飾及代歸至石門停舟悉索家人所

貯南貨犀象諸物投之江中耆老以為可繼前朝宋璟盧興

李朝隱之徒人吏詣闕請立碑代宗許之

據舊唐書本傳修

孔戣字君嚴登進士第累轉尚書郎元和初改諫議大夫十二年嶺南節度崔詠卒三軍請帥宰相奏擬皆不稱旨因入對上謂裴度曰嘗有上疏謂南海進蚶菜者詞甚忠正此人何在卿第求之度退訪之或曰祭酒孔戣嘗論此事度徵疏進之即日授廣州刺史兼御史大夫嶺南節度使既至免屬州逋負十八萬緡米八萬斛黃金稅歲八百兩先是屬刺史俸率三萬又不時給皆取部中白衣食戣乃倍其俸約不得為貪暴稍以法繩之南方鬻口為貨掠人為奴婢戣峻為之禁親吏得嬰兒於道收育之戣論以死由是閭里相約不敢犯往詔禱南海神多令從事代祠戣每受詔自犯風波而往

韓愈在潮州作詩以美之士之斥南不能北歸與有罪之後百餘族才可用用之廩無告者女子為嫁遣之蕃舶泊步有下碇稅始至有闕貨宴所餉犀琲下及僕隸戣禁絕無所求索舊制海商死者官籍其貲滿三月無妻子詣府則沒入戣以海道歲一往復苟有險者不為限悉推與自貞元中黃洞諸蠻叛久不平容桂二管利虜掠幸有功乃請合兵討之戣固言不可帝不聽大發江湖兵會二營入討士被瘴毒死者不勝計安南乘之殺都護李象古而桂管裴行立容管陽雲皆無功憂死獨戣不邀一旦功交廣宴然大治

據新唐書孔巢父傳修

李憲晟第五子太和二年轉嶺南節度使憲雖勳伐之家然累歷事任皆以更能擢用所歷官秩政績流聞性本明恕尤精律學屢詳沒冤獄活無罪者數百人以能入官官無敗事



士君子多之

據舊唐書李晟傳修

盧鈞字子和本范陽人祖炅父繼鈞元和四年進士擢第又書判拔萃調補校書郎累佐諸侯府開元元年冬代李從易為廣州刺史御史大夫嶺南節度使南海有蠻舶之利珍貨輻湊舊帥作法興利以致富凡為南海者靡不捆載而還鈞性仁恕為政廉絜請監軍領市舶使已一不干預自貞元以來衣冠得罪流於嶺表者因而物故子孫貧悴雖遇赦不能自還凡在封境者鈞減俸錢為營構槨其家疾病死喪則為醫藥殯殮孤兒稚女則為婚嫁凡數百家由是山越之俗服其德義令不嚴而人化三年將代華蠻數千人詣闕請立生祠銘功頌德先是土人與蠻獠雜居婚娶相通使或撓之相誘為亂鈞至立法俾華夷異處婚娶不通蠻人不得立田宅

由是徼外肅清而不相犯

據舊唐書本傳修

韋正貫字公理舉賢良方正異等除太子校書郎宣宗立擢嶺南節度使南海舶賈始至大帥必取象犀明珠上珍而售以下直正貫既至無所取吏咨其清南方風俗右鬼正貫毀淫祠教民無妄祈會海水溢人爭咎撤祠事以為神不厭正貫登城沃酒以誓曰不當神意長人任其咎無逮下民俄而水去民乃信之居鎮三載遺令無厚葬無用鼓吹無請諡卒年六十八贈工部尚書

據新唐書韋皋傳修

李承勛營州柳城人祖光弼戰功中興第一承勛智勇出人思繼祖烈大中末節度涇原誘降吐蕃酋長尙延心復以功顯宣宗聞其將畧思試諸遠方會嶺南郡將王令寰作亂遂節度使楊發詔以右金吾大將軍李燧為嶺南節度使已命

中使賜之節給事中蕭倣封還制書上方奏樂不暇別召使使優人追之節及燧門而返上悟遂命承勛為嶺南節度使發鄰道兵討亂平之奏捷至上歎曰朕幾失人向若用燧豈能定亂哉初忠武軍精兵皆以黃冒首號黃頭軍承勛以百人定嶺南由是五管多效其服裝夷賊聞風而靡百粵汔康承勛倡之也詔加承勛檢校兵部尚書據黃通志修

蕭倣父悟恆之弟也太和元年登進士第咸通末罷知政事

出為廣州刺史嶺南節度使謹按新書僖宗紀乾符二年五月書倣薨本傳無罷相文則是倣薨於位矣其拜嶺南節度使則在宣宗時自集賢學士出

鎮皆與舊書不合然倣子廩傳云乾符中以父鎮南海免官侍行則其非大中倣性公廉南海雖富珍奇月俸之外不入其門家人疾病醫工治藥須烏梅左右於公厨取之倣知而

命還促買於市遇亂不至京師而卒據舊唐書蕭俛傳修

鄭從讜字正求滎陽人會昌二年登進士第釋褐秘書省校

書郎累至檢校兵部尚書汴州刺史宣武軍節度觀察等使

期年報政美聲流聞當途者懼其大用改廣州刺史嶺南節

度使五管為南詔蠻所擾天下徵兵時有龐勛不暇邊事從

讜在鎮北兵寡弱夷獠勢然乃擇其土豪授之右職禦侮扞

城皆得其效雖郡邑屢陷而交廣晏然俄而懿宗厭代從讜

以久在番禺不樂風土思歸戀闕形於賦詠累上章求為分

司散秩僖宗徵還用為刑部尚書尋以本官同平章事據舊唐書

鄭餘慶傳修

劉崇龜咸通六年進士擢第累遷朝官出為廣州刺史清海

軍節度嶺南東道觀察處置等使卒廣有大賈約倡女夜集

而它盜殺女遺刀去賈入倡家踐其血而覺乘扁亡吏迹賈

捕効得約女狀而不殺也崇龜方大饗軍中悉集宰人至日入乃遣陰以遺刀易一襍置之詰朝羣宰卽庖取刀一人不去曰是非我刀問之得其主名往視則亡矣崇龜因取它囚殺之聲言賈也陳諸市亡宰歸捕詰具狀其精明類此姻舊或干以財率不答但寫荔支圖與之然不能防檢其家既沒有鬻珠羽者由是名損據舊唐書劉崇望傳新唐書劉政會傳參修

鍾傳萬載人僖宗時討王仙芝有功歷官嶺南節度使時黃巢亂後州縣廢貢舉惟傳歲薦士行鄉飲酒禮士不遠千里趨之傳少時好獵常醉遇虎手搏之不勝旁助以劍乃斃及貴歎曰士處世尙智勿效吾暴虎因畫搏虎狀以戒子孫據張府志

宋

楊覃字申錫漢太尉震之後太平興國八年舉進士擢第大中祥符改太常少卿直昭文館知廣州兼市舶使勤於吏事所至以幹濟稱南海番舶之利前後牧守或致謗議惟覃以廉著遠人懷之加右諫議大夫四年卒長子奉禮郎文友乘傳赴喪詔本州給所費還家錄其次子爲楊州司士參軍據宋史本傳修

呂居簡河南人宰相蒙正之子初爲殿中丞進龍圖閣直學士知廣州陶巖貳城人以爲便據張府志修

蕭注字巖夫新喻人磊落有大志尤喜談兵嘗以戰勝攻取自負皇祐進士攝番禺令儂智高以舟師數萬攻城兩月勢危甚注潰圍出募壯士二千乘巨艦據上流因颶風起縱火焚舟大破之卽日發縣門納援兵芻糧相繼城中大悅每戰

輒捷賊解去論功擢知邕州

據張府志修

王罕字師言華陽人以蔭知宜興縣累遷戶部判官出爲廣東轉運使儂智高入寇罕行部在潮廣州守仲簡自圍中遣書邀罕罕報曰吾家亦受困非不欲歸顧獨歸無益當求所以相濟者遂還惠州州之惡少年正相率爲盜里落驚擾惠人要罕遮道求救護者數千計罕擇父老可語者問以策曰吾屬皆有田客欲給以兵使相保聚罕曰有田客者如是得矣無者奈何乃呼耆長發里民補壯丁每長二百人又令邑尉增弓手二千已時下令約申而集募有方畧者許以官秩金帛使爲甲首久之無至者有婦人訴爲僕奪釵珥捕得之并執奪攘者十八輩皆梟首置道左傳曰此耆長發爲壯丁不肯行者也觀者始有怖色至期得六百人尉所部亦至於

是染庫帛爲旗制牛革爲盾形柔之湯中每盾削竹籤十六穿於革以木爲鼻使持之自蔽斷苦竹數千銛其末使操爲兵悉出公私戎器檄告屬城俛而行之數日眾大振向之惡少年皆隸行伍無敢動乃簡卒三千方舟建旗伐鼓作樂順流而下將至廣悉眾登岸斬木爲鹿角積高數仞營於南門智高戴黃蓋臨觀相去三十步見已嚴備不敢犯罕徐開門而入智高遂解去時南道郵驛斷絕罕上事不得通而提點刑獄鮑軻遁處南雄數具奏及賊平軻受賞罕謫監信州酒稅安撫使孫沔言罕實有功復以爲西路轉運使或傳智高不死走火峒儂宗旦據險聚眾邕州守蕭注謀擊之罕呼宗旦子曰新謂之曰汝父內爲交趾所仇外爲邊將希賞之餌非計也汝歸報汝父擇利而爲之於是父子俱降

據宋史本傳修

榮諲字仲思濟州任城人舉進士至鹽鐵判官為廣東轉運使廣有板步古河路絕險林箐瘴毒諲開真陽峽至泚口古徑作棧道七十間抵清遠趨廣州遂為夷塗後以集賢殿修撰知洪州以疫故徙舒州未至而卒累官秘書監年六十五

據宋史本傳修

魏瓘字用之自主客郎中遷太常少卿知廣州築州城環五里疏東北門鑿東西澳為水閘以時啓閉焉儂智高寇廣東西獨廣州城堅守不能下於是論築城功遷工部侍郎集賢院學士復知廣州兼廣東經略安撫使給禁卒五千聽以便宜從事屬狄青已破賊召還糾察在京刑獄據宋史本傳修張田字公載澶淵進士熙甯初加龍圖閣直學士知廣州廣舊無外郭民悉野處田始築東城環七里賦功五十萬兩旬

而成其東南微陷往視之暴卒年五十四田為人伉直自喜臨政以清作欽賢堂繪古昔清刺史像日夕師拜之蘇軾以為伴古廉吏據張府志修

程師孟字公闢吳人進士甲科知廣州州城為儂寇所毀他日有警民駭竄方伯相踵至皆言土疏惡不可築師孟在廣六年作西城及交趾陷邕管聞廣守備固不敢東時師孟已召還朝廷念前功以為給事中集賢殿修撰判都水監復起知越州青州遂致仕以光祿大夫卒年七十八師孟屢領劇鎮為政簡而嚴罪非死者不以屬吏發隱摘伏如神得豪惡不逞跌宕者必痛懲艾之至勦絕乃已所部肅然廣人為立

生祠據宋史本傳修

龔茂良字實之興化軍人紹興八年進士第任廣東提刑即

番山之址建學又置番禺南海縣學既成釋奠行鄉飲酒以落之城東舊有廣惠菴中原衣冠沒於南者葬之歲久圯廢茂良訪故地更建海會浮屠取寄暴露者皆揜藏無遺後以罪責降安置英州父子卒於貶所茂良家投匭訟寃遂復通奉大夫周必大獨相進呈復職上曰茂良本無罪遂復資政

殿學士諡莊敏

據宋史本傳修

詹儀之字體仁嚴陵人紹興二十一年進士淳熙二年為廣南東路提點刑獄下車首建周濂溪祠張栻為之記三年擢廣東轉運使論實鹽官鬻之弊孝宗避之尋擢吏部侍郎

據郝通志

李綸字世美泉州人以廕歷仕有清操淳熙初提舉廣東適伯兄維守恩平酌別江泮兄弟相勵以清白綸慷慨臨江籲

天曰倘負軍民有如此水遂投杯於江杯停不沒者久之觀

者驚嘆與兄維俱以廉稱云民為歌曰石門之水清且清晉

吏一勺千古榮爭如李公投杯盟江流洶洶杯停停

據張府志修

曾治鳳字君儀晉江人開禧元年進士歷官廣東提刑以將

作監知袁州復直煥章閣帥廣東性簡儉愛惜公帑一毫不

以妄費不嗜殺戮端平二年進直徽猷閣改知建甯會成卒

挺亂薄廣城時已解印引咎丐罷奉祠數年卒

據黃通志修

陳峴字山甫温州平陽人少篤學工文辭淳熙丁未進士中

博學宏詞科歷官有政聲以大中大夫集英殿修撰嘉定元

年知廣州軍州事兼管內勸農使充廣南東路經略安撫使

馬步軍都督總管先是邑民苦預借峴至蠲諸邑宿逋四萬

六千緡免大禮學助賞錢一萬四千緡罷諸場稅額最為民

害者二千五百緡幕僚以舊額請覘以州賦代輸且奏於朝無得預借民獲甦息廣學宮治城濠設閘門瀦水以備不常閱歲百役並興勞費不憚時僚寇部界謀窺州城覘募勇敢軍日加訓練益為備城以南戶口繁夥舊無捍蔽乃築東西鴈翅城以翼之郡號多士貢額纔十三峴為請於朝嘉定三年增額為二十五帥廣三年政務寬簡民甚德之以功封永嘉郡開國子食邑五百戶嘗以政暇委州文學齊琥監鹽倉季端仁編南海志凡都會名蹟堙遏弗彰者皆補書之成一

方信史凡十二卷云

據黃通志修

徐清叟字直翁浦城人第進士歷官知廣州兼廣東經略安撫使清叟嘗薦用真德秀魏了翁風度凜然卒贈少卿

據郝通志修

楊長孺字子伯別號東山潛夫以蔭補守湖州累官至廣東經畧安撫使知廣州事每對客曰士大夫清廉便是七分人矣嶺南羣吏獨有長孺清白著於時有詔獎諭謂其清似隱之故長孺賦詩有詔謂臣清似隱之臣清原不畏人知之句以敷文閣直學士致仕年七十九卒郡人立像與吳隱之合

祠據黃通志修 鶴林玉露楊伯子誠齋家嗣號東山先生

清節高文繼美克肖其帥番禹將受代有俸錢七千緡盡以代下戶輸租有詩云兩年枉了髻霜華照管南

人沒一些六百萬錢都不要脂膏留放小民家  
方大琮字德潤福建莆田人淳祐二年帥廣凡六年以儒飭吏以政媿俗鄉飲酒禮久廢命賓佐與領袖士討論之禮樂器服悉還古制歲一行之拜七十有奇膝席以宴漏過三十刻時齒已邁而終禮無倦色丁祭儀文未稱自冕服弁以至簠簋籩豆鐘磬琴瑟祝啟之屬悉攷古訂禮改作又建書堂

之飛閣翼以四齋做清海軍門以雄藩府規模十倍於昔

據黃

修

黃洧字清臣甌甯人乾道四年改廣南東路提舉市舶帥守市賈胡香不償直洧舉法移州帥愧且懼亟召歸之更爲轉運判官廣學租禮名士益勸諸生以學番禺令近在帥守諸司治所肆意爲姦無按舉者洧素聞之至是誨厲之不能改乃捕其吏屬劾之反而獄具奏上閱實抵罪以去其餘不循法度以病民者隨罪大小以次繩治於是各路肅然官吏始知有法守矣市人困於官佔丐奪之擾洧爲移書一路罷官除市籍百貫得職物價爲平復上奏請均其法於諸路詔施行之丁籍久失開收口賦之逋均及鄰伍流亡日眾洧選吏分行覈其實而除之一路所蠲凡十有五萬口流冗寢復瀕

海蛋戶數萬生理至微亦有役於州縣洧悉免之按行所部雖烟瘴荒遠無所憚訪問疾苦伸理冤抑不可勝計革外銓匿闕徇私之弊人無怨言江浙歲饑有旨發二廣義倉米航海詣永嘉往時常有此役吏並緣以擾民而米不時達洧處之有方且并西道所發轉致之不越月而至永嘉者八萬斛永嘉人焚香迎拜步下曰此廣東運使活我也史正治爲發運使專以括取諸道羨錢爲己功諸道承風聽命不暇洧曰嶺外貧薄安得視它路財予緡錢千數正治怒欲陷洧爲人告者乃已改使荆湖南路積官朝散郎卒朱嘉銘其墓云

據

修

方信孺字孚若興化軍人有雋才未冠能文周必大楊萬里見而異之以父崧卿蔭補番禺縣尉盜劫海賈信孺捕之盜



方沙聚分鹵獲惶駭欲趨舟信孺已使人負盜舟去矣乃悉縛盜不失一人後知韶州據阮通志修

余炎字伯華永豐人登瀆祐進士第授廣東提刑持已廉潔當時立廉吏碑炎居其一也據阮通志修

李維清字直臣下邑人父仲行為章邱簿因徙家焉開寶中惟清以三史解褐累遷給事中俄出知廣州謹敕不苛珍貨

一無所取至道初就拜右諫議大夫太宗以廉平詔獎之二年徙廣南東西路都轉運使召拜給事中終御史中丞卒據黃通志

徐休復字廣初濮州人太宗時第進士歷樞密直學士太平興國中知廣州時轉運使王延範有異圖休復因懷勇小將

張霸告其事馳奏之太宗遣高品閻承翰乘傳會轉運副使

李瑄暨休復雜治延範具伏斬廣州市賜霸錢十萬據宋史王延範傳

張鑑字德明瀛州團練使藏英之孫父裔以蔭補供奉官鑑本將家幼能嗜學入衛州霖落山肄業凡十餘年太平興國

三年擢進士第釋褐大理評事真宗咸平初改工部侍郎出知廣州居二年民條其政績上請刻石初鑑在南海李夷庚

為通判謝德權為巡檢皆與之不協二人密言鑑以貲付海賈往來貿易至是鑑自陳有親故謫瓊州每以俸米付商船

寄贍之又言夷庚德權儉人貪凶之狀上意稍釋召還徙知相州據宋史本傳修

馬亮字叔明廬州合肥人舉進士真宗時以右諫議大夫知廣州時宜州陳進初平而澄海兵從進反者家屬二百餘人

法當配隸亮悉置不問鹽戶逋課質其妻子於富室悉取以還其家海舶久不至使招徠之明年至者倍其初珍貨大集朝廷遣中使賜宴以勞之是歲東封亮教諭大食陀婆離蒲含沙貢方物泰山下仁宗初以太子少保致仕卒贈尚書右

僕射

據宋史本傳修

狄棐字輔之潭州長沙人少隨父官徐州以文謁路振振器愛之妻以女舉進士甲科累遷太常少卿知廣州加直昭文館代還不以南海物自隨人稱其廉棐為政愷悌不為表襮死之日家無餘貲

據宋史本傳修

劉湜字子正徐州彭城人舉進士累遷戶部郎中知廣州儂智高初平湜練士兵葺械器作鐵鎖斷江路有盜據山勅貸罪招之不肯降湜知為山民資之食即徙民絕餉盜困蹙乞

降民安之居二年母老求內徙遂徙徐州湜喜曰昔布衣隨

計今以侍從官三品復典鄉郡過始望矣

據宋史本傳修

李兌字子西許州臨潁人英宗時登進士第由屯田員外郎為殿中侍御史加龍圖閣直學士知廣州為政簡嚴人頌之自劉氏納土之後獨兌尤著清節還知河陽

據黃通志修

盧士宏字子高新鄭人以父任屢更州縣所至著清名文彥博包拯以廉能薦由三司開折司擢夔州路轉運使遂知廣州或傳安南舟數百泊海中將為寇嶺徼驚搖士宏灼其非是日從賓客宴游為樂民賴以安

據宋史本傳修

蔣之奇字穎叔宜興人以伯父蔭得官擢進士第歷集賢殿修撰知廣州妖人岑深善幻聚黨二千人謀取新興略番禺包據嶺表之奇遣鈐轄楊從先致討生擒之加寶文閣待制

南海饒實貨為吏者多貪聲之奇取前代牧守有清節者吳

隱之宋璟盧興李勉等十人繪其像建十賢堂祀之冀變其

習徒河北都轉運使黃通志注徐績送穎叔詩并序國之南

朝選名賢即拜山陽太守蔣公奉使以往公始聞命不敢安

處即日束裝以俟拜命決行之日一州之人皆惜其去以其

嚴而不苛察而能恕實受其惠也作詩者因民之情述公之

義送公之行亦以告諸越人也五嶺之南其極西徼其旁大

海水深山峭內有谿洞外有交趾皮厚肉堅鐵為骨髓難免

伏藏猱猿突起動如飄風猛如湍水獨恩不畏獨威不懷擾

之則去撫之則來恩之與威不可去一不可無術坐當一面

則有帥臣按刑將漕要皆得人以德以威公稱其選能不擇

官義不辭遠始聞有命嚴裝以需青氍角簞葯鼎茶爐琴堂

舊譜鈴閣新書史帙籤重詩囊卷粗前施齋舫後設行厨公

既拜命不敢安居迺戒徒御建帆檣鳴刁擊鼓旂幟開張

州人感恩父老童稚知不可留以足頓地或前塞路或後從

行或獻花酒或犒從兵或望於野或送一程即日渡江江南

春早雪盡冰消江山如掃柳徑桃蹊梅花芳草沽酒村遙賣

魚船小晨散鳥羣暮歸白鳥春正好時已到岳陽岳陽樓下

蒼蒼茫茫岳陽樓上飛來流光江山舊物吳楚淒涼夜宿巴

陵曉過洞庭湖中水綠湖口山青黃陵古祠長沙古路瀟江

湘江風烟古渡嶽麓茶林沙洲橘樹此時春深衡陽雁去時

飲一杯時吟幾句更望九嶷清詩無數攬巒登山日日西南

寒惟叱馭車不停驂乃有部吏乃有蠻酋青山負弩錦帕纏

頭公曰使者實典兵刑增置強弩多募士兵宜浚其隍宜堅

其城公曰弓手宜加舊制加之訓練可使精銳可代城郭為

民捍蔽公曰人命懸在獄官不可不慎不可不觀寬於善良

勿失有罪惡人如虎養之成害公曰生民不可不無教教民之

官縣令最要今則不然困於簿領甚者可除煩者可省仍復

鄉官則無所病凡我部吏各恭厥職夜則精思晝則宣力一

節當官赤心為國如此教告如此施設吏則心服民則心悅

唐據阮通志修

章案字質夫建州浦城人祖頻為侍御史案以叔得象廕應  
舉試禮部第一官權戶部侍郎紹聖初加集賢殿修撰知廣  
州時廣人冒犯鯨波浩殖貨利不知有義以制其欲至於婦  
代夫訟父子異居兄弟骨肉急難不顧男女嫁娶至無媒妁  
喪葬之儀過禮越制案以習俗積久卒未能化日夜積躬思  
以導之乃以教化所始莫先於學人倫之序莫先於教於是

以城西之學與尼寺相比不合古制乃謀遷於城東番山之  
前日與學士諸生講論六經嘗告諸生曰夫學不力不足以  
成德善不明不足以充擴其性誦孔孟之書學先王之道苟  
無至誠好善之實而不知性命死生之說外禍福富貴則何  
足以為君子儒哉文章可學而工也議論可講而到也巍科  
殊級可以力取也富貴利達可以苟達也皆世俗之所貴彼  
所謂貴者非良貴也君子之所以異於人者以其存心心之  
所存四端而已不誠其意不足以正心不正其心不足以齊  
家至於治國平天下之道一本諸心而已矣諸生其勉焉夫  
喪良心而逐外物君子謂之惑循虛名而忘實行君子謂之  
盜盜可為乎哉惑可久乎哉諸生其與師友朝夕講論德誼  
息心以明善不變如魯之國是太守之所望也察平素以文

人自負其為是論士人翕然稱之後以龍圖閣直學士致仕

卒據黃通志修

唐義問字士宣江陵人質肅公介之子也善文詞居官風力  
強敏以集賢殿修撰知廣州為章惇所忌以棄渠歸罪貶舒

州團練副使據郝通志修

留恭字伯禮晉江人丞相正之子嘉泰中通判廣州秩滿疏  
其惠愛二十事請留之部使者薦知南康軍後知廣州徭亂  
捕降其豪渠四十四徭洞悉平卒贈秘閣修撰弟筠嘗獻備  
邊五策自江西提刑移知廣州據郝通志修

周種字仁熟泰州人熙甯中擢第徽宗朝以右文殿修撰知  
廣州番舶抵郡犀象香珠之屬悉選以充獻日呈樣種一無  
所受終任不至舶務其歸也部人賦詩送行有三年清似鏡

之句靖康元年卒據黃通志修

連南夫湖北德安人高宗時累官廣東轉運使後知廣州兵馬鈐轄韓京受命領兵三千屯營廣州恃恩不法南夫委曲刺制京遂革心為善及金人歸河南地南夫賀表云虞舜之十二州昔皆吾有商於之六百里當念爾欺秦檜惡其語罷之據粵大記修

陳橐字德應餘姚人登政和上舍第紹興二年除監察御史後知廣州時兵與後廣東盜賊無安歲十年九易牧守橐盡革弊政以恩先之留鎮三年民夷悅服據浙江志修

王宗已字子游長溪人紹興間進士為增城令治居廣東二十九縣之最上特書其名於御屏秩滿調常熟縣尋知廣州遷知蘄州時待闕者十餘人孝宗指其名示宰執曰是嘗宰

常熟者宜授之官終朝奉大夫據黃通志修

趙良坡字深甫淳熙乙丑進士守禦廣州為元兵生獲欲降之不屈元將義之放歸據浙江志修

陳樸字端行永春州人乾道五年進士除知廣州兼廣東安撫革弊例帑羨受代儲錢數十萬上於朝據福建志修

李迪字復古其先趙郡人淳祐十二年知廣州明敏嚴於御軍戢吏治盜發奸摘伏時而用之猾胥黠役重足側立不敢逞郡學舊無便門迪始開創宮牆數仞臺闕朔謁無下車庭殿之嫌民戶納地基錢吏以名色掊剋其來久矣迪一切革去自支官錢與吏作糜費外不許妄取一文既造朝吏復蒙蔽此意寢失至劉應龍來奠南服復取迪條貫用之士民益

動甘棠之思據黃通志修

孔昂宛州人至聖四十四代孫進士及第以殿中丞通判廣州有廉名真宗東封時躬詣孔子祠帝問宰相孔氏今孰知名或言昂有治行即召對擢太常博士知曲阜縣瀕行番人爭持珠寶以獻並慰遣之後以工部侍郎致仕卒年八十九子道輔御史中丞以直名據郝通志修

徐九思字公謹崇安人登進士以薦判三司坐忤時相通判廣州嘗與進士梁杞建議立香山鎮為縣以便徵役神宗召對面賜褒諭有老成練事之稱既而為王安石所惡致仕有新豐集若干卷行世據建甯舊志修

林勳賀州人政和五年進士為廣州教授建炎三年八月獻本政書十三篇言國家兵農之政率因唐末之故今農貧而多失職兵驕而不可用是以饑民竄卒類為盜賊宜倣古井

田之制使民一夫占田五十畝其有羨田之家毋得市田其無田與游惰未作者皆驅之使為隸農以耕田之羨者而雜紉錢穀以為什一之稅宋二稅之數視唐增至七倍今本政之制每十六夫為一井提封百里為三千四百井率稅米五萬一千斛錢萬二千緡每井賦二兵馬一疋率為兵六千四百人馬三千四百四歲取五之一以為上番之額以給征役無事則又分為四番以直官衛以給守衛是民凡三十五年而役使一遍也悉上則歲食米萬九千餘斛錢三千六百餘緡無事則減四分之三皆以一同之租稅共之匹婦之貢絹三尺綿一兩百里之縣歲收絹四千餘匹綿三千四百斤非蠶鄉則布六尺麻二兩所收視絹綿悉倍之行之十年則民之口算官之酒酤與凡茶鹽香礬之權皆可施以予民其說

甚備書奏以勲為桂州節度掌書記據阮通志修

南海李徵霽分纂

番禺周熾皋初校

番禺史悠履再校

南海顏以湘三校

番禺史悠泰四校

廣州府志卷一百四終

廣州府志卷一百五

宦績二 宋 元 明

彭思永

宋鈞

顏楠

蘇絨

韓謹

吳玉

王繼遠

葉禺

陳應元

諸葛珏

魏國梁

黃學皋

李巖

李亨伯

姚孝資

黃適

王中行

張勲

趙善廓

方驥之

許巨川

上官粹中

周謂

陶節夫

吳懿德

曾逢龍

黃子信

梁益謙

趙懌夫

洪天驥

趙希瓚

宋之望

樓海

楊觀春

以上宋

高文鼎

王都中

張謙

顏浩

郭應木

殷彥

劉進程

楊大舉

左祥

李習

黃昭

王天祥

張執

札忽進義

答失蠻

程慶祖

曾純卿

黃宏益

唐堅

白太平

以上元

吳桂芳

鄭綱

楊信民

孟鑑

揭稽

章瑾

王哲

以上明督撫按

彭韶

陳選

徐問

柳英

萬士和

劉采

葛浩



滕伯輪 戴弁

伍希淵 呂之節

韓禎 陳員韜

王綱 陳贄

王積 朱一龍

陳雍 李遂

陳善 王大用

魏校 江潮

歐陽鐸 鄒守愚

吳玘 陳塏

黃光昇 龔璫

彭琉 宋端儀

李希顏 李中

江治 以上監司

宋

彭思永字季長天聖五年進士授大理寺丞監淇州鹽務移

知南海仁厚廉恕盡心民事徭役均平悉自裁斷吏胥無所

容其奸以母喪去職 據黃通志 南海志修

宋鈞字茂洪莆田人紹興進士知南海縣以廉能著聲民愛

戴之歷知泉州 據郝通志修

顏桴字養正永春人以太學生登開禧元年進士知南海縣

惠以威濟寇盜斂跡績上擢判循州歷知梅州 據郭通志修

蘇緘字靈甫泉州晉江人舉進士調南海主簿州領番舶每

商至則選屬吏閱實其貲商皆豪族習以客禮見主者緘以

選往商樊氏輒升階就緘詰而杖之樊謗於州州召責緘緘曰主簿雖卑邑官也商雖富部民也邑官杖部民何罪之有州不能詰歷知英州後知廉州改邕州死交趾之變諡忠勇

據黃通志 郭通志修

謹按南海志云福建通志緘字宣甫同安人紳從弟寶五年進士與此微異今攷寶元無五年當誤

韓謹字去華晉江人崇甯二年進士調南海尉以捕盜功改宣議郎除處州教授召為國子博士改除廣南東路提舉學事自巡尉未再期擁使節近代所無也

據南海志修

吳玉字仲玉仙遊人淳熙十四年特奏名尉南海縣以捕盜應格改承務郎

據福建通志修

王繼遠安福人早負氣節至治間以薦授郎沒於陣事聞贈

總管諡忠愍廟祀南海

據黃通志名宦傳修

謹案以薦授郎未審何官以其廟祀南海附錄於此葉禺字子昂興化軍仙遊人登紹興元年進士第為廣州南海縣主簿攝尉盜發州檄巡尉同捕巡檢獲盜十餘人歸其勞於禺禺曰掠美欺君倖賞三者皆罪不忍為也帥曾開大喜之後歷官端明殿學士乾道三年冬至上親郊而雷禺引漢故事上印綬提舉太平興國宮歸至家不疾而薨年六十八以觀文殿學士致仕贈特進諡正簡禺為人簡易清介與物若無忤至處大事毅然不可奪自初仕至宰相服食僮妾田宅不改其舊

據宋史本傳修

陳應元瓊山人紹定己丑進士令番禺李昂英徐清叟董槐李曾伯交章薦之後任雷僦所至有聲

據番禺志修

諸葛珏福建泉州人淳祐元年任番禺縣時縣無黌舍附於郡學西廡珏乃相地於縣東南五里創建前俯大江山川秀麗師生始有講肄地先是北溪陳淳久從朱子遊以所得教漳泉間著有中庸大學序珏少師北溪因廣梓以傳嘗曰希聖希賢功夫可循循而詣矣侍郎李昂英嘉之為題其首珏陞韶州通判全

魏國梁字君用福建晉江人紹定二年己丑特奏名授番禺丞時贛賊陳三鎗率萬眾寇河源國梁奉帥檄挺身銳出諭降還斃於道事聞加贈典官其子一人全

黃學皋字習之福建龍溪人博通經史尤長於詩書春秋朱子守漳州學皋與宋聞禮以稚年輪講嘉定十六年登第授番禺簿帥趙師楷每事必咨之轉鄱陽丞待制李性傳延入

郡齋校勘朱子續語錄調泉州察推有評古一卷補著東坡詩一編全

李巖盧江人元祐二年知東莞縣事端謹富才有善政邑之東江堤夏潦暴漲瀨江之田罹其害巖於西湖福龍石貝司馬頭京山牛渡海等處築長堤捍之民獲其利明年復築鹹潮堤民至今賴之據黃通志修

李亨伯字安止龍溪人治平二年擢知東莞縣時海寇出沒為民害亨伯率兵渡三洋日夜行七百里抵香山賊皆受縛據福建通志修

姚孝資紹興十九年以右從政郎知東莞縣事治才精敏下令闔境築堤護田水利大興民蒙其利時香山鎮惟設寨官一員役屬東莞輸役往來最為不便庫涌土人陳天覺請建

寨為縣孝資如其言疏聞從其所請於是敦武校尉邕州副將劉必從捐其祖地以為縣治至今賴之據黃通志修

黃適字德夫晉江人工詞賦乾道七年由進士知東莞事不

苛而辦府帥意縣有餘藏值來謁遣掾攝其職掾希指籍常

賦為贏以獻他日府責賦適報掾已輸矣府欲令再斂文移

數十訖不從帥轉賢之薦適治狀秩滿擢守新州據東莞志修

王中行潮州揭陽人淳熙十二年知東莞慈祥愷悌以興學

崇化為首務舊學湫隘弗稱始卜遷於黎氏之地規制大備

文風以振勸農桑均賦役恩敷惠流輿人頌之據東莞志修

張勳字希聖丞相魏國公之姪孫南軒先生其叔父也紹熙

二年為東莞令誠心愛民每憂旱虔禱甘澍輒應邑舊有東

嶽行祠圯壞曰神與令均受民寄而祠不稱令之咎也遂重

建之據東莞志修

趙善鄒字國用鉛山人嘉熙四年知東莞縣節用愛民科徵

或不給則捐囊代輸剖決如流稱神明宰初李巖築堤護田

自姚孝資後莫有繼者善鄒修舊堤一萬九千九百丈視地

患水者復堤之事竣歡聲載塗比去民思之不置據郝通志修

方驥之莆田人宋時為潮陽丞尋移東莞寇賊蠶起驥之奮

然曰官斯土而不捍斯民吾將負丞遂率弓兵野戰歿於陣

朝廷廕其一子家貧不能歸聞僑居惠來今惠來方氏其後

云康熙庚子呈請入祀典據阮通志修

許巨川字東甫溫陵人登嘉定甲戌進士第其學得伊洛紫

陽之傳初董教廣庠篤志訓誨學者有所矜式人士感之建

生祠於泮宮東崔與之自蜀歸聞而嘉之及為東莞令首謁

學以禮殿堂廡陋出米粟十萬繕葺邑務雖繁必與諸生講解以勵術業復立小學以訓童蒙且撫摩愷悌殿中書劉克莊時為計使閱其斷訟以為仁至義盡邑人士做郡庠亦建生祠詳見李文溪經史閣記據黃通志修

上官粹中字德厚邵武人隆興間秩滿知增城縣勤恤民隱獎進士類勸農桑興水利漕使林光朝上其治行於朝據福建通志修

周諤字希聖尤溪人王志成龍溪誤熙甯六年進士知新會縣王安

石行新法郡縣風靡諤獨不奉行致書政府力陳其弊因求歸田里民得免於青苗徵求之患著孟子解義一時門生稱

周夫子據粵大記修尤溪志謂知新會縣不肯奉行新法有寄子弟詩云浪有虛名落世間自慙無實骨毛寒未年三十身先倦才得一官心已闌下宅擬尋栽藥圃買田宜近釣魚灘他年子弟重相見藜杖蓑衣箇籜冠志於澤民

不從亂法一時門生稱周夫子其風致可想矣所著孟子解義禮記談皆行於世

陶節夫字子禮鄱陽人晉大司馬侃之裔也第進士起家為

廣州錄事參軍楊元寇暴山谷間捕繫獄屢越逸且不承為盜既累年節夫詰以數語元即吐服將適市與諸囚訣曰陶

公長者雖死可無憾知新會縣時盜未息民少耕桑之業節夫乃勸農興學盡心經營於是盜賊屏跡俗化禮讓廣守章

秦重其材帥涇原辟入府據郝通志宋史本傳修

謹按新會志云宋史本傳崇甯中知延安府領經制環慶涇原河東邊事歷龍圖閣學士均無涉於本邑

故未採入阮通志不著何時人郝王各志均作咸平中進士考咸平與崇甯相去百年有奇章秦紹聖二

年知廣州見阮通志金石畧據此則王志稱節夫咸

平進士誤也

吳懿德字夏卿處州慶元人嘉定二年進士郝通志作嘉泰英州教

授知玉山縣改知新會時縣久無正官弊端如毛民紐於訟

且瀕海多盜縣不能制懿德至事無巨細潔已率之時新令

至蛋戶有給由錢受訴牒有酥息錢一切罷去凡仕族之流

寓與憚獨顛連無告者廩其食春賦貧民錢粟夏則和藥施

之雖溝澮亦時濬治其誠於為民皆此類以廉介有聲辟通

判廣州未及拜而卒將歿前二日書於冊曰平生薄宦甘受

凍饑一介不取一毫不欺嘗祠晉刺史吳隱之於縣東以勵

來者邑民謂其清白可尚遂配享焉西山真德秀誌其墓甚

重之據粵大記修

曾逢龍甯都人開慶初進士王志作慶元誤咸淳末為新會知縣見

國事日非以忠義自許為政有循良風景炎元年六月元呂

師夔遣其將黃世雄寇廣州經畧使徐直諒遣郡人李性道

領兵拒之性道降於世雄秋九月東莞人熊飛與逢龍相繼

起兵飛遂復韶州逢龍亦帥兵至廣州世雄遁性道迎謁逢

龍擒而誅之時端宗在閩聞其功降敕嘉獎擢韶州通判未

幾師夔復入寇連韶諸州皆降冬十月壬戌朔趙晉遣逢龍

就熊飛禦元兵於南雄與元兵遇力戰不敵乃正衣冠縊而

死贈龍圖閣學士贛郡開國公據新會志修

謹按新會志逢龍死事宋史二王紀在至元十三年

宋史新編厓山志粵大記皆同邵經邦元史類編世

祖紀繫於至元十四年即景炎二年正月誤也

黃子信長泰人以文章履行為學者師宋嘉定四年中特科

第二人調新會鹽場師楊長孺以其老榜為監常心易之嘗

拮據其簿書子信將拂衣去投以詩云六年兩度拜宸旒換

得青衫白上頭飛鵲只因無樹繞窮猿何暇擇林投明知著

脚當來誤幾欲抽身不自由安得有錢了官債任無三徑也

歸休長孺得詩恨知之晚子信有散翁集若干卷據蓉塘記聞修

梁益謙荆南人宋端平中為香山令首重學校課督士子增

學田二頃二十有六畝疏南濠之水以灌田捐俸置賑濟倉

民德之為立德政碑據黃通志修

趙懌夫端平元年任香山令三年十月卒於官有惠政及人

子孫寓籍黃梁都據香山志秩官注修

洪天驥字逸仲晉江人少有異質貫通經史百家淳祐七年

登進士寶祐四年校藝南宮得文天祥卷置之上第人服其

明景定三年授宣教郎知香山縣至之日以教養人材為首

務修復大成殿明倫有堂主敬美身賓賢登俊有齋皆捐俸

為之歛不及民其為政一裁於義俗謹健戢其尤桀黠者曰

此囚牙去則吾民安矣邑以大治經畧使洪勳趙汝暨雷宜

中及倉憲交以邑最上終知潮州與兄文毅公天錫文學齊

名時謂二洪卒文天祥狀其行實所著有東巖集祀名宦據香山志

修趙希瓚淳祐中任香山主簿以文學知名據香山志秩官注修

宋之望莆田人淳祐中任香山主簿長於吏事留心學校遷

學於城之西全

樓海宋時權知清遠縣事峒寇卒入縣治海出諭賊而死李

昂英以詩哭之曰諭賊散私財冥頑不可回憤然瞑目罵吾

已戴頭來一死當凶刃千家免劫灰遺孤元未有行路為悲

哀據黃通志修

楊觀春不知何許人孫志作楊觀太華人淳祐間知清遠縣愛民如子

百廢俱興尤注意學校門無干謁邸舍蕭然時稱為賢令據黃通志修

元

高文鼎吉水人嘗參廣東元帥府事薩都刺薦于朝曰文兼六藝武冠三軍授廣州同知尋陞廣東元帥至正間三山寇攻廣城文鼎以義激將士以死守力拒幾一年援兵不至城陷遂自刎一家皆死據黃通志修

王都中字元俞福建福甯州人擢海北海南道肅政廉訪使中書省臣奏國計莫重於鹽筴乃如前除鹽亭竈戶三年一

比附推排世祖舊制也任事者恐斂怨久不舉行都中口為臣子者使皆避謫何以集事乃請於行省徧歷三十場驗其物力高下以損益之役既平而課亦足公私便之擢福建閩海道肅政廉訪使徙廣東道宣慰使都元帥三易鎮皆佩元降金虎符都中歷任四十餘年所至政譽輒暴著而治郡之績雖古循吏無以尚之當世南人以政事之名聞天下而位登省憲者惟都中而已據元史本傳修  
張謙趙州人元貞元年授廣東道肅政廉訪使發擿平反官吏畏之民有湯姓者富於財為讐人湯舉誣告於縣其親雒公輔常以他事告縣令正夔於憲臺因而憾之遂教訟者供公輔縛其僕袁二下水死鍛鍊成獄惟不獲屍謙以為疑密購求之且檄城隍神期以七日必得如期果有捕獲袁二至



者人皆以為神力公輔遂得釋取其桎梏移之夔將以其罪  
罪之夔以病死其明斷類此為政踰年杯水無所私後卒於  
任其子護喪北歸諸司贈遺亦無受據阮通志修

顏浩廬陵人以書經領至順壬申第歷官廣東肅政廉訪使  
廉謹仁恕有威德後至元三年朱元卿率其黨叛增城命指  
揮苟札里等與浩討平之越三年殘孽復起攻增城益急浩  
督戰中鏑猶裹瘡自奮創甚卒時年三十三據廬陵縣志修

郭應木資州人至大四年十一月攝東莞縣事在莞凡七閱  
月田里絕叫囂之卒縣庭息譁健之訟且講書課試作興學  
校真得學道愛人之心清廉律已表裏如一去之日行李蕭  
然輿論稱其廉能據阮通志修

殷彥洛陽人至元十八年權東莞凡五閱月清淨不擾去之

日邑人遮道留之居官日淺而感人最深梅外李春叟謂可

以觀政據東莞志修

劉進程大名府人大德三年為東莞縣尉有至性嘗割股療  
母疾邑人稱為孝尉捐俸倡修靈源閣民歌曰割股療母孝  
子之難孝尉為政邑賴以安據東莞志修

楊大舉字子善益都人至正七年為東莞縣尹廉潔寬靖愛  
民保赤東江堤久壞親為經度大修之民復業者眾據東莞志修

左祥字祥興江西新城人初授翰林從事為學士吳澄所知  
出為香山縣尹轉潮州路經歷後復以奉直大夫尹增城先  
是學宮毀於兵燹邑人鄭聰老刻孔子木主祀於其家祥至

憫先聖崇祀無所求舊學故址得之冲霄門外鶴子峯之陽  
乃鳩工重建殿庭齋廡皆如制時元政不綱諸務叢脞而士

氣亦奄奄不振祥既立學率邑人士講論濂洛關閩之學又

作勸學文以訓其童蒙刻諭俗編以警惕窳習一時流俗為

之不變擢知萬州歷廣安路總管府祥蒞官清白潔已惠民

所至有遺愛增人至今誦之不衰祀名宦據增城志修

李習至正甲申為增城令能文章而尤嫻於政事先是有鄧

英甫者本循梅界尚酋招諭下山授參尉安置本縣跋扈不

法百姓苦之習初至廉得其狀拘其爪牙羅恭等治之英甫

遂率眾毆習於庭明年僉憲張光道臨增邑民陳告英甫罪

狀光道繫其爪牙三十餘人併英甫皆處死據增城志修

黃昭字觀瀾撫州人至正間由科目授新會縣尹德政化民

廉潔自守文章政事燁然可觀因謁廉訪司書吏以畫漁索

題昭援筆書之結云從來不食鈎頭餌縱有絲綸奈若何吏

銜之昭自以不見容適湖廣聘校文遂辭任而歸後為兵部

尚書據黃通志修

王天祥大名滑州黃縣人累官將仕郎至元二十一年為香

山縣尹視篆之初以崇儒飾學為先務修葺學校重建講堂

勸農省役百廢畢舉成卒廝隸之違法者嚴懲之翕然稱治

宋末兵燹廨宇多毀求諸故址修復至今沿之在任凡七年

輿情愛戴如一日云據阮通志修

張執冀州人至正四年任香山縣尹廉謹自厲丙戌秋李童

入寇海上奉檄平之民賴以安解宇橋梁一侈前觀民不擾

焉全上

札忽進義香山縣達魯花赤恤民勸農察民貧者給以牛種

且減其租刻大學孝經以教民子弟皇慶二年陞知南恩州

既去民思之不置據阮通志修

答失蠻至元三十年任香山令為政尚寬惠而不擾元貞二

年得代民懷去思據香山志秩官注修

程慶祖至大二年任香山尹正直廉能他邑難平之訟司府

每咨判折又重建鼓樓四年卒於官士民哀悼祀名宦據香山志修

曾純卿元統二年任香山主簿崇儒下士慈惠及民後至元

三年得代去之日謳歌載道據香山志秩官注修

黃宏益至順中任香山主簿元統間得代廉正儉約得治體

唐堅至正初任香山主簿二年得代賦性寬厚不形喜怒民

甚愛之俱全上

白太平至正間任清遠縣主簿不諂上不損民果決有為始

終如一修築土城以禦寇盜清人德之據阮通志修

明

吳桂芳別號白湖更號潭石新建人嘉靖甲辰進士以兵部

右侍郎總督兩廣抵任未數月海寇新舊頻仍數且逾二萬

桂芳奏請調兵食選練兵將皆中機宜輒報可閱數月先後

克獲餘寇遁海上為雷風所覆無一還者地方安謐人以爲

神而潮州柘林官兵喇撻夫總管者以少糧脫巾呼其黨數

百人一夕叛時與倭持兵猶未解也桂芳以計授其將且聞

東莞有李茂材者頗以鄉兵雄於里召而密約厚賞之使隨

官軍擊叛者海上悉就擒斬方叛兵環海轉掠省城非桂芳

星馳還鎮則城外民居廛貨俱為賊資是功既奏桂芳始決

意城省外城而居民以撤屋度城址頗不悅至有飛語桂芳

銳於成事且罪言者版築甫畢桂芳遷去而流寇會一本突入犯省城會老於賊部下梟雄數十人意固垂涎濱河居民饒富將甘心焉不謂有城也比泊而樓櫓森整殊失計遂就擒於是人知桂芳有保障功爭立祠祀之召入以原官佐部議是時丁卯歲秋九月也

據獻徵錄修

鄭綱字子尚莆田人幼聰敏痛自砥礪登嘉靖乙丑進士第為戶曹郎與翁萬達鄒守愚相淬濯部中稱四君子己亥知高州府丁酉移知廣州廣為百粵首郡綱悉心民隱釐剔弊源端務節愛不為束濕聽訟明允得兩造之情尤加意學校鼎新黌舍拔名士如盧夢陽馬拯蒙詔輩士類翕然歸之時惠潮盜熾引倭入寇己未晉右副都御史總督兩廣軍務至則躬督海道副使鄭維誠通判翁夢鯉等討平之嶺海晏然

捷聞有白金文綺之賚後卒於任

據粵大記修

楊信民浙江新昌人正統初以王直薦為廣東左參議清操絕俗嘗行田野訪利弊為更置性剛負氣按察使郭智不法信民劾之下獄黃翰代智信民復發其奸己又劾僉事章廣廣遂訐信民因與翰俱被逮軍民譁然詣闕下乞留信民詔復信民官而翰廣鞠實除名景帝監國于謙薦之命守備白羊口會廣東賊黃蕭養圍廣州急嶺南人乞信民乃以為右僉都御史巡撫其地士民間而相慶曰楊公來矣時廣州被圍久將士戰輒敗禁民出入樵採絕而鄉民避賊來者拒不納多為賊所害民益愁苦歸賊信民至開城門發倉廩刻木契給民得出入賊見木契曰此楊公所給也不敢傷避賊者悉收保民若更生信民益厲甲兵多方招撫降者日至乃使

使持檄入賊營諭以恩信蕭養曰得楊公一言死不恨尅日請見信民單車詣之隔濠與語賊黨望見謹曰果楊公也爭羅拜有泣下者賊以大魚獻信民受而剖之分送諸司賊聞而驚曰此吾輩誅戮兆也蕭養且降而都督董興大軍至賊忽中變時閉城久疫死者眾信民命痊諸北郭外為文哭祭之民皆感泣夜有大星隕城外七日而信民暴疾卒時景泰元年三月乙卯也軍民聚哭城中皆縞素賊聞之亦泣曰楊公死吾屬無歸路矣未幾興平賊所過村聚多殺掠民仰天號曰楊公在豈使吾曹至是訃聞賜葬祭錄其子玠為國子生廣東民赴京請建祠許之始啟土獲孤忠大節石刻人以為異成化中賜諡恭惠久之從選人盧從愿請命有司歲以其忌日祭焉

據明史本傳修

孟鑑字克明博野人宣德癸丑進士任戶科給事中正統十四年黃蕭養反事聞陞戶部右侍郎奉敕巡撫摩勞徠散其黨與次年四月勦平廣民戴之

據黃通志修

揭稽字孟哲永昌人永樂甲辰進士正統末厯官廣東左布政使景泰二年朝廷以廣寇初平民尙凋瘵以稽久任且知民情敕陞戶部左侍郎巡撫廣東稽至見民困弊即行軍徭之法驗賦重輕丁力多寡第為三等而均役之民以為便又分南海海隅之民奏立順德縣治濱海復設增江巡檢司以防盜賊民稱其能

全上

章瑾字用欽會稽人正統初進士嘉靖初拜禮部右侍郎既而以盜竊發廣州簡瑾巡撫廣東兼治羣盜瑾謀於陳循曰聞參議楊信民素為廣民信服若與瑾偕往盜必聽撫循善

其計時信民以誑誤謫守邊循為力言於上遂起信民為僉都御史以行廣東民有被脅從為盜者聞信民至相率來歸

凡數千人

據獻徵錄修

王哲吳江人宏治庚戌進士十年出按廣東時劇賊陳光等流劫新會東莞哲畫策不旬月平之南海縣十三村負固數為亂鎮巡議屠之哲曰村戶不下萬餘豈無一良善者乎玉石俱焚吾不忍也乃輕騎率廣州知府詣其巢諭以禍福且許自新其父老感泣曰巡按公活我即解散又每村立土里長以約束之既而以外艱歸民號泣追送服除出按江西尋遷廣東按察使未幾卒

據分省人物考修

彭韶字鳳儀莆田人登進士成化十四年累官至廣東左布政下車首集父老問民疾苦利病即興革之先是農民補吏

視房分率令辦納公堂銀韶曰取其財而責其貪可乎悉革之內臣歲辦貢物民不能堪韶疏言明王不寶遠物廣東民力竭矣守土之臣以此為恭不知國本凋傷為害滋甚及市舶太監韋眷請餘剩六十戶隸舶司以需歲辦貢獻韶疏云今日富強不及於昔者蓋因害財之多及今愛惜樽節猶恐無繼更啟他端雜用其何以善後哉願將眷所奏餘戶暫與一年後皆停罷有詔減其半薦陳獻章於朝得徵召下至一時名士無不折節下之所至有聲如去五顯廟以祀崔清獻撤土神祠以祀汪參政廣洋之類朔望受民詞至千百紙決斷如流告誡諄切民感愛若父兄最後太監梁芳第錦衣千戶在鄉私採禽鳥進獻官民俱擾韶復上書言狀忤旨調貴州布政瀕行父老涕泣有追送數百里外者巡撫都御史朱

英贈詩有獨有羊城臨發處西風臥轍鳥聲酸之句終刑部  
尚書諡惠安據黃通志修

陳選臨海人父員韜選自幼端慤天順四年成進士授御史  
後歷廣東左右布政使二十一年詔減省貢獻而市舶中官  
章眷奏乞均徭戶六十人添辦方物選持詔書爭帝命與其  
半眷由是怒選番人馬力麻詭稱蘇門答刺使臣欲入貢私  
市易眷利其厚賄將許之選立逐之去撤馬兒罕使者自甘  
肅貢獅子將取道廣東浮海歸云欲往滿喇加更市以進選  
疏言不可許恐貽笑外番輕中國帝納其言而眷憾選益甚  
先是番禺知縣高瑤沒眷通番資鉅萬選移檄獎之且聞於  
朝至是眷誣奏選瑤朋比為貪墨詔遣刑部員外郎李行會  
巡按御史徐同愛訊之選有所黜吏張襲眷意其怨選引命

誣證選髮堅不從執髮搯掠無異解行同愛畏眷竟坐選如

眷奏與瑤俱被徵士民數萬號哭遮留使者辟除乃得出至

南昌病作行阻其醫藥竟卒後以張襲得白贈光祿寺卿諡

恭愍據明史本傳修

徐問武進人宏治十五年進士累廣東左布政使嘉靖十一

年以治行卓異徵立己方嚴有大臣風度粵裝一無所攜曰

不使吳隱之耑美也其不避權貴與民休息足以繼武彭韶

粵中稱賢藩輒曰彭徐云據嘉談錄修

柳英字子鍾巫山人丰姿奇秀嘉靖三十六年擢廣東布政

使入境行李蕭然惟一蒼頭自隨數月與時牴牾即拂衣去

粵中稱廉介必曰柳布政云據郝通志修

萬士和字思節宜興人嘉靖辛丑進士官廣東左布政使粵

民萬里轉輸京帑其費不資士和著令稍徵轉輸費屬計吏并領之粵中稱便故事藩司一切政務專制於左使右署名而已士和曰朝廷並設兩使若左右手非有所輕重也約分日治事以明大體己晉應天府尹屬直指使初按粵逆辭之境上遂行直指以為倨銜之欲巧詆以法抵粵悉取諸錢穀籍稽士和失無所得則榜掠筦榷吏屬誣引士和吏忍死不服曰有之萬公不應飲粵一勺水耳直指愈怒摺撫益亟香山黃佐家居養高不可致忽出謁直指直指喜獨能得佐也自起迎之佐入揖曰老夫跡不至公府久矣今為萬公來公即欲溲之其人非可緝者直指心忤不敢出一語事乃寢尋拜右副都御史官終禮部尚書據獻徵錄修

劉采字汝賢麻城人嘉靖己丑進士初知宿州歷官廣東左

布政約己裕民守官肅度歷三十餘年所至以廉能稱而藩務清釐尤足為諸僚表率嘗以家學春秋宗旨授諸生於是廣土始有麻城之學而王佐輩相繼登第遷南京吏部尚書改兵部尚書卒贈太子少保諡端簡據粵大記修

葛浩字天宏浙江上虞人進士以河南參政服闋改授廣東新會寇作議者以縣治孤危恐先碎賊手浩潛師出賊不意縛其渠魁脅從多得減死亂遂以平詔賜白金文綺丙戌進廣東右布政使與左使梁材協恭宣化利濟為多丁亥擢貴

州左轄據獻徵錄修

滕伯輪字汝載甌甯人嘉靖壬戌進士令番禺海寇方熾伯輪稽保甲備樓櫓教技擊築外城以禦之邑賴以安入為戶部郎督學兩浙聲教整嚴歷廣東臬藩擢都御史據福建通志修



戴弁字士章浮梁人以教官擢兵科給事中累官廣東參政時黃蕭養作亂弁往撫安未幾寇逼城闈遂歸為防禦計至纓羊峽口猝與賊遇弁艤舟登岸據胡床坐諭之曰我戴參政也因爾輩失所朝廷故命我來撫爾輩聽吾言革故自新即吾良民何乃為喪家計耶賊酋環視曰果我公也麾眾羅拜曰公與楊公皆愛吾民者吾何敢恐公遂密護弁歸未久寇大肆圍廣州城中乏食亟與知府聶好謙發廩賑之眾心始安復立賞格募敢死士間道接援兵入城守乃固會參將武毅駐兵金利都督董興至自京師弁往與定謀刻期一戰乃斬蕭養於城南分兵搗巢穴撫餘黨未閱月悉平捷聞朝廷勞以羊酒寶鏹金綺襲衣遷右布政使景泰三年丁內艱奪情視事進左布政使考績至京師疾作乞歸卒據黃通志修

伍希淵字士賢安福人天順甲辰進士成化十一年由刑部

郎中以誣誤謫廣州同知十四年留知廣州事為政平易愜

民興利除害雖嫌不避士民歸之後歷廣東左參政陞湖廣

右布政使祀名宦據郝通志修

呂之節字次公龍游人天啟舉人以教諭擢廣州同知嶺表

不逞之徒往往煽亂之節密計討捕反側遂安尋擢嶺南道

參政粵東盜賊蜂起之節因時制變民咸賴之據阮通志修

韓禎洪武十一年任布政司參政時展築城池闢帥力欲亟

成工役晝夜不得稍息軍民困苦病亡禎謂曰城郭所以保

民也今築城而疲民是所謂以其所不愛及其所愛甚非安

邊保民意也朝廷聞之咎將誰歸帥始懼又欲立令五鼓始

工二鼓而止禎曰不可乃召眾定約以晨鐘從事夕鐘則已

由是軍民赴工者莫不感悅在任三年政聲大著據郝通志修

陳員韜字從熙臨海人宣德庚戌進士景泰三年遷廣東參

政蒞官清慎惠及小民時值黃寇剽掠之餘員韜撫摩備至

民以蘇息未久擢福建左布政使民至今懷之據郝通志修

王綱字德常餘姚人洪武初以文學徵拜兵部郎中潮民弗

靖擢廣東參議往督兵餉致書與家人訣攜子彥達俱往諭

降之還至增城為海寇曹真所得為壇坐綱於上羅拜脅為

謀主綱罵之遂遇害彥達請代不得且哭且罵曰并殺我其

長曰父忠而子孝殺之不祥釋之乃綴羊革裹綱屍以歸立

廟死所據浙江通志修

陳贄字惟成餘姚人杭州知府盧玉潤薦為儒學訓導考滿

赴京簡任翰林待詔遷五經博士以學士高穀薦陞廣東布

政司左參議時廣寇黃蕭養之亂甫平贄撫摩凋瘵極盡仁

恤訪鰥釐幼稚之被掠賣者以還其家病兵死者瘞其遺骸

親為文祭之聞者感激其他善政宜民概類此景泰癸酉遷

太常少卿據資政編修

王積字子崇儀真人正德己卯進士嘉靖己丑累遷廣東布

政司左參議治糧儲以廣儲筴未有定考利弊十二事上撫

按行之廣民由是稍蘇所部新甯新會恩平盜積為剽劫十

餘年不已守令噤不言兵盜益熾積奮然請身當之總督林

富亦才積悉以兵事委焉積條議賊有當勦者四有可破者

六林報可與積謀以十月發諸道帥嶺西師自恩平峴岡入

嶺南師自龍眠入舟師自龐學水入合擊大破之鹵獲以千

計盜遂平捷聞賜金綺官終南京兵部侍郎據阮通志修

朱一龍字于田惠安人嘉靖庚戌進士歷官廣東左參政時  
柘林叛卒突至會城藩臬官分門守禦避賊至者拒不納一

龍守小南門曰賊近而啟扇以待示吾疆也民急則開門以  
納示吾仁也閉之何為乃大開門日入男婦以萬計據福建通志修

陳雍字希冉眉山人成化甲戌進士宏治改元授工部主事  
洊擢廣東按察使在成化五年劉瑾敗後少傅梁儲家在南海子次臆

驕橫多勢取人業啜汁者復倍為攘奪遂起爭至殺人兩京  
言官交章發其事并及梁儲或稍為調護輒中白簡詔遣給

事中劉湜刑部郎中張文麟覈之皆顧望莫敢斷雍檢贖謀  
殺人從者不行減行者一等當杖徒因歎曰可避言而故重

坐乎即如前議奏上得允聞者心服焉廣州有鴨埠稅供制  
府犒士雜用畜鴨者動以數萬計縱之蹂踐禾藁莫敢問問

輒得罪雍革其稅民賴以安雍居官以盡職為務即瑣細未  
節皆必嚴必慎不以矜人以其眾弗忌而民庶銜德不能忘

官至南京工部尙書致仕卒年九十二據阮通志修  
李遂豐城人嘉靖五年進士歷官廣東按察使釋囚八百餘

人據明史本傳修  
陳善字思敬錢塘人辛丑成進士拜欵令累升至僉憲隆慶

改元起山西按察副使尋轉江西左參政未匝月轉廣東按  
察使以刑獄關係民命精審讞牒洗冤剖疑纍纍多異政具

粵臺行稿中會流賊會一本寇廣城城門盡閉軍民扶老攜  
幼向城而泣善惻然曰奈何棄數萬眾于鋒刃下耶為啟門

躬為殿而八之賊矢幾及車蓋竟無虞轉雲南右布政據獻徵錄修

王大用字時行興化人

郝通志作儀徵人

正德戊辰進士授工部都

水主事歷官員外郎擢廣東按察司僉事備兵清遠其地采

互巖阻積為盜區攻之輒弗利患且百年大用簡士卒嚴賞

罰號令一新清遠氓獠盜橫即勒兵渡潯江破其巢戮賊首

望永寬等一千有奇又移師攻黃藤峽黃葉洞後山十八山

諸處殲賊唐鎮山偽都督楊旺等二千有奇新會白水諸洞

賊依山負險與新興海州等洞相煽出沒屠掠大用密授方

畧令里胥父老各捕所知甫三月獲賊二千四百有奇順德

增城香山沿海諸村晝農夜寇蹟殊詭大用設法覺察獲真

盜又三千二百有奇民為立生祠於增城大用兵備五載征

勦無虛日先謀出奇俘獲驍健卒收附為用是以所向無敵

辛巳陞本司副使兵備如故丁亥擢廣東右布政使己丑轉

廣西左布政使官至南京刑部侍郎卒

據阮通志修

魏校字子材崑山人宏治己丑進士正德末為廣東提學副

使教士以德行為先不事考較文藝輒行黜陟首禁火葬大

毀寺觀淫祠或改公署及書院餘盡建社學教童生雖以經

書然三時分肄歌詩習禮演樂自洪武中歸并叢林而豪氓

所匿者悉毀無遺僧尼多令還俗巫覡不復祠鬼男子皆編

為渡夫風俗為之不變其崇正闢邪之功前此未有也任用

廣郡庠生陳激衷從化庠生林克中教諸生靜坐不許讀書

謂之坐齋著體仁說令學者內省氣象自中達外如春風之

和乃見仁體每晨入見稽其所得中人以下肆為欺紿而已

惟童生端立拱手繩趨軌步能守其訓後以憂去大學士張

璉方獻夫薦遷國子祭酒所著有六書精蘊訓釋大類荆舒

字說學者稱莊渠先生後改太常少卿尋罷歸卒於家以南  
京言官疏其賢贈寺卿諡恭簡

據黃通志修

江潮字宗之貴溪人宏治中進士歷官廣東提學副使以道  
自重以禮授徒蔚有知人之鑑歲考時謂霍韜梁焯金山必  
連第且謂韜有魁元才然真山於二等責曰汝本有才何杜  
撰呂申公格言以相欺乎後日事君還當敬慎後山以戶部  
主事監兌江西陷宸濠黨中果符潮戒慎之語士林稱服又  
謂霍韜可作榜元及考潮州還亟喚韜語曰今科解元當是  
蕭與成汝次之然汝當連魁天下功名事業大出蕭之上後  
果如言人稱神鑒云

據粵大記修

歐陽鐸字崇道泰和人甫踰冠成進士守延平及福州以治  
行奏天下第一嘉靖甲申擢廣東按察副使提督學政至則

惇禮崇讓以行檢先諸生初察跌宕少檢者薄示之懲再察  
如故乃始斥試文義疏繆者亦如之子弟資稍穎輒收之學  
其潛移默化有出於督勸外者士習文風丕變乙酉當鄉舉  
鐸預擬魁五經者曰吾得其四矣謂瓊士唐穆潮士陳思謹  
鄭宏彝李日森也詩魁非廣庠岑萬則曾貫又謂連士張叔  
庠廉士王養民當俟後舉張稍進可名在二十五前也後皆  
如言廣人神其藻鑑滿三載遷雲南右參政未行召拜太常  
少卿官至吏部侍郎卒贈工部尚書諡恭簡

據獻徵錄粵大記修

鄒守愚字君哲福建莆田人嘉靖丙戌進士授戶部歷郎中  
出守廣州訟劇政禁多宿蠹守愚一處以至誠事存矜惻嘗  
辨誣獄釋累歲被繫者數百人有庖人烹雞雜以茄羹色黑  
御史以為毒已也坐以重辟守愚疑之令人如所具烹焉亦

黑乃爭御史前御史悟竟釋之政聲大振值歲飢設策賑濟民賴以甦新會民激於徵逋聚海艘為變監司招之不應曰必鄒使君來也守愚單騎往民望見輒涕泣解散未幾屬徭迫於闔帥將大訶亦得守愚一言遂解其威信服人如此蒞郡四年置珍異不問廣勵學宮弟子多所成就安南不庭擢守愚廣東副憲征之聞父訃奔歸安南降論功蒙上賞累遷戶部左侍郎卒贈右都御史諡襄惠在粵政績最著祀名宦

據阮通志修

吳玘字汝瑩錢塘人舉嘉靖癸未進士拜行人歷刑部員外郎廣東按察僉事副使布政司左參政飭兵弁蒐士卒立保伍明法令察盜所出沒根披苗薈境以乂安清遠峽險而多盜以卒六百人鑿山三十里為梁二十有一舟用得挽以濟

為副使籍民舟之賈於海者什伍為綱紀約寇至共擊之其去為盜者眾發之不發與連坐海寇頓輯初至嶺南勤於治按行郡守觸冒毒瘴遂患癘比為參政會有事安南治益勤既疾革猶日命吏抱文書置榻臥聽之以羸卒

據阮通志修

陳埏字山甫餘姚人嘉靖壬辰進士由行人轉南給事中出為廣東提學副使海瑞龐尙鵬方為諸生皆第之高等行部過崖山改張宏範立石書宋少帝及其臣陸秀夫死國於此

據浙江通志修

黃光昇字明舉晉江人嘉靖乙丑進士由浙江參議陞廣東海北副使番舶稅重商人百計求免光昇為制減十之六商乃樂輸躬自清白錙銖不染稅額盈數萬後罕有能繼其廉者陞東粵總憲以嚴為治書吏畏若神明新會賊陳文伯為

亂光昇檄兵往援而牒二兵憲夾攻之俘其黨若干人獲一  
緋袍者於羣屍中眾謂文伯也光昇以狄武襄故事止之聲  
績益著歷陞刑部尙書

據粵大  
記修

龔璲南昌人以國子生入官宣德元年為廣東僉事廉謹明  
斷察獄判然詞簡刑清吏民畏之陞四川按察使去

據黃通  
志修

彭琉字毓敬安福人永樂戊戌進士以工部主事坐謫教諭

大學士楊士奇薦授翰林編修正統改元朝廷留意人才簡  
儒臣學行淳正者十三人授以憲職提督天下學校琉與選

陞廣東按察司僉事立教條嚴考課歲歷郡邑開導諸生凡  
黷舍廢缺者增修之書籍不備者剗之嶺南士風為之不

變科目之盛幾於中州復兼督農桑黜陟官屬奉法不撓人  
服其公朝廷嘉之賜誥命進奉政大夫

據獻徵  
錄修

宋端儀字孔時別號立齋莆田人成化辛丑擢第由主客司  
員外郎拜廣東按察司僉事既至嚴立教法以崇本實黜浮  
華為主而痛抑奔競革奸弊以防壞法所轄諸郡縣方行民  
快之例富家大族爭欲遣子弟入學以圖免充各學廩缺亦  
爭先干請甚或行賄端儀曰是吾行未孚於人也於是士  
之進一廩之給咸秉至公雖忤權貴弗恤既析番禺南海增  
城三縣地增置龍門并立學時請託之風猶未弭端儀覈三  
學之士產所當析之地者試之選其堪食餼者進之於庭以  
廩增之額定於籤數足而止廣人士深信服焉厥後新甯亦  
設縣遂無復請託者以身表率諸生考校一以經傳為主苟  
戾經傳文雖工不寘前列學者駸駸知所嚮方以衝冒炎瘴  
病卒遠近奔哭廣士祀之仰高祠端儀在官嘗修廣東通志

署撰宋行朝錄皆未脫藁俱全

李希顏字原復華亭人沉靜寡言有大度十歲父授以春秋知大義宏治癸丑魁禮闈授南京刑部主事正德初陞廣東按察司僉事適缺提學希顏代署獎拔俊又號稱知人以其經學授之廣郡自此有業春秋者時從化盜作當道以遐荒怯進希顏獨深入平之仍領海舶例有私賂以萬計希顏悉給軍士無所規利是時巨寇黎頭搠嘯聚山谷希顏率兵與大戰敗之獲其渠魁當道者疾其功不為奏賞奉表詣闕時逆瑾勢傾中外希顏獨不踵其門京師稱為鐵腰李庚午遷雲南提學副使據黃通志修

李中字子庸隨州籍吉水人正德甲戌進士嘉靖元年擢廣東按察司僉事部下有訴鄉貴人奪民田者鄉貴人方恃寵

宋端儀字孔時別號立齋莆田人成化辛丑擢第由主客司員外郎拜廣東按察司僉事既至嚴立教法以崇本實黜浮華為主而痛抑奔競革奸弊以防壞法所轄諸郡縣方行民快之例富家大族爭欲遣子弟入學以圖免充各學廩缺亦爭先干請甚或行賄端儀曰是吾行未孚於人也於是士之進一廩之給咸秉至公雖忤權貴弗恤既析番禺南海增城三縣地增置龍門并立學時請託之風猶未弭端儀覈三學之士產所當析之地者試之選其堪食餼者進之於庭以廩增之額定於籤數足而止廣人士深信服焉厥後新甯亦設縣遂無復請託者以身表率諸生考校一以經傳為主苟戾經傳文雖工不寘前列學者駸駸知所嚮方以衝冒炎瘴病卒遠近奔哭廣士祀之仰高祠端儀在官嘗修廣東通志



廣州府志卷一百五  
署撰宋行朝錄皆未脫藁俱全

李希顏字原復華亭人沉靜寡言有大度十歲父授以春秋知大義宏治癸丑魁禮闈授南京刑部主事正德初陞廣東按察司僉事適缺提學希顏代署獎拔俊乂號稱知人以其經學授之廣郡自此有業春秋者時從化盜作當道以遐荒怯進希顏獨深入平之仍領海舶例有私賂以萬計希顏悉給軍士無所規利是時巨寇黎頭搠嘯聚山谷希顏率兵與大戰敗之獲其渠魁當道者疾其功不為奏賞奉表詣闕時逆瑾勢傾中外希顏獨不踵其門京師稱為鐵腰李庚午遷雲南提學副使據黃通志修

李中字子庸隨州籍吉水人正德甲戌進士嘉靖元年擢廣東按察司僉事部下有訴鄉貴人奪民田者鄉貴人方恃寵

多畏憚之聞監司受訴求質語甚厲中不與辨無何竟還民田癸未陞廣西參議歷遷廣東按察使乙未陞廣東右布政使巡按御史戴某用法峻刻欲罷南海番禺吏六十人中驗無實面直戴戴不樂且曰是六十人者甯無枉法意耶中曰法者治其太甚也以意罪人何以掾過且不聞有故入律耶徑趨出戴既慚怒會參議曹某卒於京都御史以婚故令賄千金中曰不能還鄉者法得賄曹也何待賄即賄豈必千金也竟賄以例同官請益不可都御史面語又不可故事平大盜布政必具宴犒諸司藉以賂者數十百金中舉宴不以賂都御史愈怒故拒嘗中中既無所謝而前宴金亦不復償於是與戴交誣坐不稱職當罷朝中顧譁都御史而直中為疏解曰李某素著廉節復有才望第不能俯仰為眾所嫉應留

用以責後效而時宰復以中無關說為慢己竟謫四川參政始中在廣東聞彈章欣然且歸答同官書曰此事於余無損益但恐仕者以余為懲則薄俗日流於苟媚世道何賴獨此不忘情耳及是之蜀無悻悻狀據阮通志修

江治字舜卿鍾陵人嘉靖丁未進士授刑曹擢東粵督學使者諸所條教務以端行誼正文體為先士風翕然丕變權貴人請託固謝不聽風裁凜然乙卯鄉試得士七十有五人中王宏誨袁昌祚馬象乾尤為知名是秋臬司諸大夫咸在棘闈獨治署篆兼掌鹽政守藏吏進羨金千八百兩治叱曰何以是溷我哉令即解藩司以充軍餉累官至南京工部侍郎致仕卒年踰九十據獻徵錄修

南海李徵霽分纂

番禺周熾皋初校

番禺史悠履再校

南海顏以湘三校

番禺史悠泰四校

廣州府志卷一百五終

廣州府志卷一百六

宦績三

魏宗

王器

方佐

聶好謙

沈琮

吳中

林泮

袁熾

曹琚

鍾文傑

胡鳳

曹達

謝彬

戴科

周啟祥

余自怡

章璽

沈尚經

程默

解立敬

廣州府志卷一百六

宦績三

姚生文

周錚

余志

劉瓘

朱伯驥

莫子麟

董應舉

以上廣府

趙仲廉

熊瓚

蔣昇

傅應祥

楊純

石邦柱

鄭汝舟

黃季瑞

詹仰庇

沈應乾

周文卿

蕭騰鳳

陳贊

蔣汝湖

劉廷元

王循學

朱欽相

蔣棻

錢忠愛

黃熙印

朱光熙

姚奇允

熊清

梁壯

戚悌

高福

袁吉

柯繩武

葉光

以上南海

鍾勗

道同

童謨

高瑤

徐志

王澄

唐澗

沈一定

李愷

陳宗道

張存義

穆天顏

沈思孝

傅慶貽

鄭陞

張國維

汪游龍

盧兆熊  
項邦柱

唐同

岳嶺

陸昌期

以上番禺

周宣

錢溥

婁璿

楊昂

吳廷舉

莊科

邱道隆

曾仲魁

袁鉞

胡友信

葉初春

方學龍

倪尙忠

黃金貴

周齊曾

沈鈇

吳裕中

施梁

趙璜

李興秀

王時中

吳孟謙

劉堯臣

陳雍

秦彥盛

袁溥 以上順德

畢宣

詹昂

王仁

王世榮

盧秉安

吳中

黃鑿

陳甯

陳墀

李性

林啓

曾樂

林功懋

孫學古

管登

胡瑞

何价

安欽

舒應龍

楊守仁

董裕

楊寅秋

馮士豪

胡繼美

周昌晉

李模

林明順

胡性

方維翰

莊禮

林有年

周盡臣

范憲

解洛

郭郁鄰

歐陽州

以上東莞

虞貴

呂天恩

石案

陳豫章

唐世瀛

袁士銳

王嘉猷

侯邦治

陳文著

翟懋

彭時濟

傅陽明

陳其箴

胡文遠

張師益

汪椿

劉澤孚

張翼

路玘

張銘

以上從化

柴伸

張翽

趙從乾

吳宗元

林宗和

殷乾

王許之

王士敏

李萬甯

汪化鯉

伍世奇

林憲曾

王三重

陳陽長

費嘉懋

李太以上龍門

明

魏宗延平縣人由監生洪武三十二年為廣州府知府臨民御下不怒而威務舉大綱不理細故深得守牧之道至今人頌之據黃通志修

王器字汝器吳江人永樂初任廣州通判為政疾惡如讐凡所施措民不敢欺郡之廢墜多所修舉以廉能稱十年陞知本府未幾丁憂去吏民送者塞途服除改知瓊州廉謹有為

政聲益著全上

方佐字用輔鄞縣人永樂戊子舉人正統改元少傅楊溥薦陞廣州知府振肅綱紀百度維新以例入覲卒於贛據浙江通志修

聶好謙字用義豐城人登進士正統十年以刑部郎中出知廣州凡政有益於民者不顧利害為之決獄平恕時新會斗

洞山民嘯聚藩臬檄好謙往撫之諭以禍福賊皆感泣歸款十四年黃寇越獄聚眾攻城城中人眾食寡好謙恐其生變

即白藩臬發倉賑之或持不可好謙曰擅發倉廩其罪猶小若民飢生變禍不可測事始大耳與布政戴弁卒發之全活

者甚眾是年冬以疾卒民傷之都御史楊信民詩哭之曰平生兩行淚深為越人傾據黃通志修

沈琮字公禮嘉興人正統壬戌進士授南京兵部武庫司主

事既而進官為夔州知府改重慶皆以喪不赴最後得廣州  
廣州嶺南劇郡中使者求珠大將軍泊軍旅又旁午其間琮  
處之裕如其於興學校美俗化勸農弭盜亦為它郡最比去  
民遮留相泣而別據獻徵錄修

吳中字時中樂平人進士天順五年任東莞令將三載百廢  
備舉巡撫都御史葉盛薦守惠州去任日士民為立遺愛碑  
後一月東莞賊起都御史韓雍檄中擒捕中馳至下令出首  
能相捕獲者免其罪復以十家為甲出入相調禍患相保婚  
葬相助一家有事九家連坐旬日渠魁斯得雍喜其能復留  
中巡視海道守增江口控扼盜賊中至即編戶為甲各漁其  
海遇賊舟則尾至其地賊以其漁不息也既得其實即遣人  
捕之不閱月賊亦屏息越六月雍以更賢育民事例奏改中

知廣州府以興學校勸農桑均徭役恤窮困為己任解字壇  
壘城池學舍為之一新又延肇慶府學教授王文鳳編輯廣

州志甫成以憂去據黃通志修

林泮字用養閩縣人成化壬辰進士授南京大理寺評事游  
陞寺正盡心庶獄陞廣州知府治省會吏奸訟繁泮處之  
若無事例有堂食一不染指嘗過厓山門有石刻元丞相伯  
顏滅宋於此泮改刻宋太傅樞密使張世傑死節於此凡郡  
之忠義貞節多所表異郡有藍漢諸山洞蠻時方猖獗泮承  
檄以兵入其穴擒斬渠帥會總兵盡屠之又豐湖堡十三村  
民皆為盜拒敵泮至其地諭降之戊午陞廣西參政正德戊  
辰官至戶部尚書劉瑾用事遂致仕泮歷官二十七年俸資  
外一毫無取歸之日貧甚視之坦然不少憂憤云據獻徵錄修



袁熾字景暉慈谿人辛丑聯捷進士觀政工曹既授南京兵部主事轉員外郎改郎中會廣州守缺遂擢知廣州州為嶺南大郡前守多以賄敗熾至教令一新興仆舉墜晨吏抱文案魚貫以進指摘奸蠹須臾而盡吏受案去噤不敢語廣民喜告訐悉召訊之立得其是非狀皆匍匐悔罪由是訟日少人弗敢欺性度簡易悉以嘻笑集事然不肯習諛媚為可否其所經畫苟自信即上官欲撓之不可得廣城控引諸番際大海雖物貨阜繁而中有隱憂熾為繕治城郭操練兵卒時戒不虞眾或迂之其後有佛郎機之變人始服其先識郡屬如新甯等邑半為盜區熾曰是未易以恩信撫也謀之督府次第舉兵誅其渠魁始懼而自戢尤善理冤獄先是有龍游人王姓者與其甥同貨於廣甥被俚子掠其貨殺而沈於江

王訟之御史下府理官鞫其事反坐王以罪熾廉知其寃蹤蹟之得刼殺者置於法又有旅客為人謀殺分其屍復密遣伺獲其人乃嘗與為仇者亦正其罪治稱神明以卓異薦晉從三品俸視事如故正德初考滿適劉瑾欲以順天府丞子熾冀得金熾曰京兆丞顧可以賄得哉忤其意遂致政去士民攀送載路思之不忘

據阮通志修

曹琚字仲玉桂陽人宏治丙辰進士觀吏部政進署虞衡員外郎戊辰外擢廣州府知府時中官有奉命查盤者勢灼甚或勸折節免禍琚不聽每事裁抑之乃欲重盤郡庫以洩憾琚抗言不從旋亦畏沮終不能加害濱海田產蟊螬害稼民養鴨飼之稱便總督陳金議復鴨埠之舊以充軍餉檄琚規畫之巡行七邑每發集官吏於庭檢行李示之乃行及還亦

如之嘗行番禺道中有後山殘民自言被誣為盜喘息且死乞招撫延旦夕即上其事於總督招之得男婦數百人而後山盜日靖廣商例納給引錢舊多自私琚以五分為率貯其三於庫備賑濟二以為公用農民例納紙價琚曰是教之以貪也罷之派辦料物解京者舊攬於豪猾每侵尅不完琚勾稽加懲且令州縣擇均徭之殷實者領焉當道以為宜至今為例有林氏夫遠出死莫知其由繼姑訟其妻妾二人成獄琚廉知其寃指曰此一人有子奚亦同謀邪矧訟出繼姑必誣也出之又有同父弟死於溺為其生母所訟者巡按委琚勘不竣宿一鞠之得其情蓋謀實出於壻也一郡稱神明有民年七十矣取財以訟嚇得罪則以老免琚罪其子以示懲訐告之風漸革他如禁張燈以正民俗躬送牲以肅祀事教

生徒行鄉飲皆人以為迂而琚力行之然持法不撓卒為當

路所陰中辛未調廣西梧州守士民爭送之百里外據阮通志修

鍾文傑字邦臣長汀人宏治壬戌進士正德壬申為廣州知

府威儀豐偉德器深重上下敬愛之勤於為政剖斷如流人

不敢干以私總督太監潘忠遇之無狀一日褫其衣冠將撲

之文傑舉止自如曰昔官郎署時亦曾為內府所禮豈知有

今日忠遽釋之於風教事尤留意勤劬得疾卒於官據黃通志修

胡鳳黃梅人嘉靖十七年進士知廣州清白自厲前掌郡者

多奢侈庫役月費數百金鳳嚴汰之日坐堂皇理民事決斷

如流率皆平允至今民稱其廉惠據郝通志修

曹達太倉洲人以進士為御史抗疏謫外嘉靖甲辰歷知廣

州性剛直潔已愛民而方於事上為直指使者所齟齬不少

變節人多其廉介後來知府事者皆不及民益思之上全

謝彬字文華海澄人嘉靖甲辰進士為南京戶部郎中出知廣州決滯無數操持廉潔珠貝犀象一無所取人比之王僧孺時惠潮當瓊盜賊蜂起倭又勾連為患督府殷正茂檄調兵卒分布水陸要害處所立定章程命守巡官畫地責效而以各副使總核其功罪倭寇則以總兵官張元勳參政江一麟專其事一切軍儲糧食兵械仰給於首郡彬先事綢繆與右布政使程嗣功日夕計畫賴以無缺既而盜平敘功正茂累加兵部尚書右副都御史嗣功進廣西左轄文武諸職皆晉秩有差彬曰為民上者不能使所治無盜賊抱慚實甚一旦有警文官運籌芻粟武官盡力剿擒分所應爾又因以為功將誰欺乎卒不受賞時論多之據嘉談錄修

戴科字朝賓莆田人嘉靖丙辰進士尋除戶部主事奉命督賦東粵與總鎮大臣處正色不撓下吏莫敢干以私還報稱旨遷員外郎郎中出為四川敘州守丁憂服闋補知廣州廣州號貨財淵藪又積蠹所聚科至與民更始示無黷於貨發奸摘伏僚屬下吏無不嚴憚久之有王提舉某以部使信任頗恣肆為奸利括吏民金以鉅萬計科廉得狀收提舉發其私藏沒於官提舉懼自經死於是部使劾奏科激殺命吏徵還候勘會大計當事有嫉其能者疏免之後部使者按其私竟無所得士論深歎惜之據獻徵錄修

周啟祥字源伯浙江海甯人隆慶戊辰進士授刑部主事萬曆戊寅出守廣州政尚簡易一以節愛為主謝絕餽請自奉甚儉約省輿從敝衣蔬食視案牘剖詞訟悉從已斷兩造稱

平左右無敢犯法尤和易近民卽村夫里婦隱情咸令畢達  
會布涌劇寇構費煽亂軍門調兵剿之諸將率掠蛋民爲功  
啟祥建議祇錄其生擒者全活甚眾壬午再入觀囊無餘物  
行至贛州病卒啟其笥僅以供斂訃聞廣州士民於寺觀爲  
位以哭且建祠焉直指羅某從輿論進祀名宦據嶺南文獻修  
余自怡婺源人進士崇正十一年歷知廣州府方正廉潔常  
祿外一錢不染朝夕所需清泉菜把而已上官無所饋送而  
臺司愈重之凡訟牒株連者於中呼一人就訊餘皆勾乙故  
獄不留而牘無滯不受私謁人亦不敢干以私卒於官同官  
入治喪事發其橐僅遺六金眾醵金殮之祀名宦據郝通志修  
章璽字信之連城人成化庚子舉人累遷至高州府同知改  
廣州力罷佛山鐵課以計靖增城獫狁據福建通志修

沈尙經貴州普安衛籍高郵州人以舉人知全州嘉靖中考  
最擢廣州府同知才識明敏聽訟每得隱情而操守清白提  
學魏校毀淫祠寺觀卿士大夫多承田土或至與訟尙經剖  
斷動中肯綮均其徭役輿情極服屢爲撫按所薦擢刑部員  
外墜馬卒廣人在京師者爭弔賻之據黃通志修  
程默字子木休甯人嘉靖乙酉舉明經卒業太學除廣州府  
同知值詔征安南兵興費鉅默從容調度民不知困甫至謁  
先聖畢昌言風俗波頽獄訟蝟興皆斯學不講之故亟請祀  
王陽明巡按御史以爲知大體特薦之行部禁培克慎勾稽  
先吏卒所至肅然故新會令何某以不善事上官被斥默上  
其賢必追復乃已竟以是忤時相罷歸據獻徵錄修  
謹按省志府志職官皆無廣州同知名程默者惟嘉

靖朝有程鐸歙縣舉人此云字子木與命名義合疑  
即其人也

解立敬字誠齋貴陽人舉人崇正十一年歷任廣州海防同  
知性寬厚和簡而天姿英敏剖決如神讞獄畢擲管即成爰  
書隨取律例朗誦一過使兩造洞曉雖老吏深文者不能贊  
一詞時府佐縣官並缺檄立敬攝之身縮五符按無留牘丁  
內艱去服闋補惠州同知遷本省副使後擢僉都御史巡撫  
江西粵民思之據郝通志修

姚生文字自牧仁和人貢士崇正末為廣州市舶提舉雖處  
散秩然喜振興士類嘗捐資修葺學宮攝篆新會愛民撫寇  
遷廣州府同知以才能稱比去士民焚香酌酒扶攜餞送後  
擢湖東道死于贛全上

周錚字爾威吉水人由監生正統十三年授官通判廣州甚  
得民心解署二樹有鵲對巢其上交相哺其雛人多為歌詠  
以頌其美及卒于官家無以為殮當道聞之給官錢為治喪  
具民咸賻之乃克歸據黃通志修

余志字志學建甯人天順甲申進士官刑部主事出判廣州  
安輯流民三萬口有暮夜餽金者引楊震四知之語卻之據

劉瓘字美中弋陽人舉于鄉嘉靖五年為廣州府通判時躬  
立三水縣以瓘明敏檄董其事區畫詳悉百作具舉一時規  
模鼎立且勤恤民隱工匠夫役咸均其勞閭閻一無所擾至  
今士民不忘據黃通志修

朱伯驥字千里通山人成化癸卯舉人任廣州推官儉於自

奉破衣疏食人皆謂其苦于束縛伯驥安之若素嘗謂僚吏曰居官不儉則用必匱匱則謀所以補遂漸恣肆至不可復問官守之廉必從儉始某所為斤斤自守耳尤精於聽斷兩造成服從白沙陳獻章遊浩然自得退而上書論古今之才不相及白沙以為知言遂棄官歸橫經講學士大夫推重之

據粵大記修

莫子麟字瑞卿廣西橫州人嘉靖辛卯領鄉薦高等丁未筮仕廣州府推官戊申遂署郡篆未幾承檄掌連州己酉掌番禺皆劇任也其在廣郡也承委抽分番舶還至驛泚出箱囊對同事者矢而後發無一介長物同事者莫不歎服其峻卻鄉識餽遺與封還揭陽合綢絹人皆知之據泰泉集修董應舉字崇相閩縣人萬曆二十六年進士除廣州教授與

稅監李鳳爭學傍墻地鳳舍人馳騎文廟前應舉繫其馬用是有名遷南京國子博士據明史本傳修

趙仲廉德安人以人材任南海知縣剛介有守邑大家樊姓者以番舶網利法當誅樊暮夜因人餽金求脫仲廉峻拒之且置之法竟為樊所毒卒於官據郭通志修

熊瓚南昌人永樂間知南海政無苛擾雖遇恩遠不先事勞民而庶務畢舉民甚感之滿任陞禮部郎中據黃通志修

蔣昇字誠之全州人成化進士宏治己酉授南海知縣以政績卓異徵入朝擢南京監察御史累遷南京戶部尚書致仕嘉靖丙戌卒昇天性純誠蒞政折獄往往如燭照數計毫髮無能遁其情保民如子惟恐傷之逮司臺憲鋤奸治惡不遺餘力未嘗少有縱舍據獻徵錄修

傅應祥字德和進賢人進士知南海縣為政公平持身廉慎雖當煩劇而裁處雍容接物待人務從寬惠凡百施舉不炫其功去後民恆思之據黃通志修

楊純字秉誠湖廣巴陵人成化癸卯解元宏治中知南海廉介自持嘗署門曰受人一毫賊私天地鬼神監察蓋名實相副也陞德慶州知州如治南海故官轍所至俱有去後之思據黃通志郭云

謹案郭魏二志俱云純華容人今從黃通志

石邦柱字安國蒼梧人宏治中進士南海知縣遭喪歸士民走督府白其治行乞留不獲服闋任蕭縣仕至瑞州知府據廣西通志修

鄭汝舟字宜濟莆田人嘉靖壬辰進士授南海令邑人馬參

政家僮拷殺園丁汝舟置之法因造毀當事有憾汝舟者論劾之吏部侍郎霍韜知其無他白改應天教授歷遷湖廣僉事據福建通志修

黃季瑞閩縣人嘉靖丁未進士出知南海時邑令久曠百度廢弛季瑞始至慨然振刷定立品式便民徵輸清滯獄擒積

惡驅久役崇教化表貞節立義塚大修堂廨吏舍之傾欹者以肅防維皆捐俸為之民不告勞未幾以治行最內召去通

政倫以諒謂其振偷起墜幹國之蠱人至今誦之據郭通志修

詹仰庇福建安溪人進士隆慶元年為南海令興除有法吏畏民懷才守邁倫風清弊絕仕致刑部侍郎據南海志修

沈應乾字惟順五河人嘗師事霍韜嘉靖庚戌登進士知南海涖任後詣韜墓泣矢曰所不盡心百姓廉介自持負公之

教者有如河乃詢訪得失採輿論而更革之省刑輕徭徵賦有法宿弊一清壬子淫潦為患民大饑殫力勸賑鄰邑寇盜蠡起南海晏然應乾力也以廉能人為主事歷按察副使南海稱良吏者曰黃沈蓋以黃正色與應乾並稱云據郝通志修  
周文卿字蓋之湖廣江夏人隆慶辛丑進士任南海縣知縣以清潔聞邑糧為民害乃清無稅沙坦補無田之糧七百餘石又傍海之地港涌岐出多為豪強所據悉清之以利農桑歷陝西兵備副使致仕歸據湖廣通志修  
蕭騰鳳晉江人隆慶戊辰進士初授南海令當巨寇曾一本煽亂之後邑里蕭條添設撫臣增兵置餉百務劬勤而督鎮參隨客兵千計皆雜處省城恣睢為梗騰鳳明而能斷調濟有方上下稱便尤善催科耗餘不入聽訟得情人心悅服稱

賢父母以同鄉人為郡守坐事註累遂左遷縣丞去眾共惜之後官至運使卒據郭通志修

陳贊南昌人隆慶辛未進士知南海縣悃悃無華愛民如子民共歸之待士有禮所簡拔多英雋徵輸攢造俱力洗宿蠹庭中寂然萬厯甲戌倭警驟至奉督府檄單車巡行察保甲安靖不擾至今猶以其所止比甘棠焉擢刑部主事後遷雷州太守卒於官全上

蔣汝湖江西豐城人進士萬厯十八年任南海令潔己愛民省刑簿斂去後人建祠尸祝焉擢監察御史據南海志修

劉廷元字獻之浙江平湖人萬厯甲辰進士知南海縣剖決明敏庭無留牘沈寃滯獄片言立釋學宮圯壞捐俸更修鄉賢名宦舊未有祠力清侵地鼎建以擴前人所未備政暇進



課諸生發明性命之旨以古人相勸勉他郡邑聞風多景從者數科放榜半出其門邑乘自元大德以來三百餘年久曠未修加意纂輯文獻始有徵矣粵習奢華立條教與民更化風俗不變擒治中貴私人剗革無名稅辯誣盜大獄保全附城居民秩滿擢御史士民建祠祀之據郭通志修

王循學浙江山陰人父國正廣東參政循學成進士初令保昌政聲隆起萬曆二十八年調知南海縣南海故衝劇循學判決如流發奸剔蠹吏畏若神會權稅初行中官橫暴循學獨持正議民賴以生權使深銜之而不能中故人來見把酒道故甚歡語及他事遂絕不與通其嚴毅若此服勤茹澹不以家累自隨案牘旁午中夜不息後以勞瘁卒于官據金通志修

朱欽相字懋中江西臨川人萬曆庚戌進士四十四年補南海令諸務悉經手裁不假吏書兩造令民自拘不差胥役文書堆案一覽悉記隨舉一事叩之無不詳其顛末者曾經犯事之人雖更姓名見即識之曰若乃某也再犯矣賦性明敏雖極狡黠莫能欺焉執法不避權要發奸摘伏人號神君奏最入覲囊無所儲擢諫垣歷太常少卿至都御史據郝通志修

蔣棻字晚先常熟人崇正丁丑進士知南海立催輸法勒為九規民不擾而賦益辦聽訟明而不苛盜所誣指悉置不問官未三月平反冤獄二十餘人又設中西下西二哨以嚴海防清東山寺田歸之學宮月三課士倡明古學居任二載丁內艱去子伊另有傳據阮通志修

錢忠愛浙江會稽人進士天啟五年由增城調南海合未明視事精練勤慎循良之聲至今不著據南海志修

黃熙印字恭庭福建晉江人崇禎五年進士知南海縣慈惠逮民清慎持已豎椿門以防海患飭備戰具勦蕩海寇劉香條請軍門設立烟管汛居民往來常苦水寇劫質印協同邑紳闈除大通濬口石路數十里苦心勞力闔邑實永賴之擢

禮部主事據郭通志修

朱光熙字澹明浙江山陰人甲戌進士崇禎十二年知南海時盤古尚酋積久負固張督院疏剿四路誓師熙甫下車轉餉給行間兵獲飽騰民皆安堵時多盜敗露則誣良民以自展轉當事不即研鞫槩置囹圄饑寒煎逼強半瘐死熙矜察寬釋求生不得者多方憫恤又察各險要海口捐俸修補水柵居民利賴焉十四年大水六月風雨駢集水浸民居幾為魚鼈熙減車從駕農舟行泥淖中躬親撫慰申請發粟賑恤

仍築圩堤以杜後患捐俸修三水峽路基圍請院司府助功峽基始峻士民馮永振等為建甘露臺立碑頌德邑乘久缺延紳士重修文獻賴以不墜順治八年紳士舉祀名宦據郭通志修

姚奇允字有僕錢塘人崇禎進士授南海知縣地富饒多盜賊奇允絕苞苴力以弭盜為事政聲大起入為兵部主事改御史巡按廣東未任聞贛州圍急與郝維經分道募兵入城城破死之子端字以式亦死于柳州之難乾隆四十三年賜諡節愍據明史郝維經傳浙江通志阮通志參修

謹案舊志俱云奇允仁和人

熊清武昌人正德中以歲貢來丞南海稟性端愨善治繁劇民有訟咸願質成復能執法不阿按察張僉事無罪殺人御

廣州府志卷一百一  
史屬清覆核為白其寃方士莫文憲以黃白術掩騙不貲清  
詢執之莫餽以奇貨清不納卒正法丞司錢穀或教以嚴可  
獲羨者清曰予性恥言利况敲撲以聚之乎令每缺必以清  
署其見信上官如此秩滿未及遷病卒於任內無餘物士民  
傷之子桴後舉進士為都御史撫廣有平寇功據郭通志修  
梁壯懷集人嘉靖甲午歲貢任南海縣丞權縣事政尚寬平  
所至與士大夫講求民瘼興利除弊值攢造請免絕戶數千  
口民多賴之以鯁直忤上官歸據廣西通志修  
戚悌宣城人謙和清謹以監生為南海丞萬曆癸未大造黃  
冊悌董其役悉心釐弊里書餽送常例一切革之承理詞訟  
務在情法兩全不為苛求有豪奸撫拾中於藩司邑民以千  
百口保之歲乙酉知縣段克允入覲當路者以署篆屬悌從

民請也後循資遷去民輒相語曰安得廉惠如戚丞者乎據通志修

高福德安人先任南海巡檢有軍功陞本縣縣丞以善政著據南海志修

袁吉字本善臨桂人正德丙子舉人授南海教諭以躬行為

諸生先一時士風丕振魏濬器之擢襄城知縣據福建名宦志修

柯繩武字允卿東莞人南海衛指揮僉事勇略善戰歷連山

瓊崖諸衛累著奇功隆慶間死曾一本之難據張府志修

葉光閩人永樂間由文學出身為南海簿涖政之初凡事遜

之于尹蔬食自如吏民不敢欺繼掌邑政始終無玷滿秩去

民咸歌曰南海簿真不貪百鳥鳳人中難據黃通志修

鍾昂字士懋慈谿人蚤失怙恃肆力問學洪武四年郡庠禮

聘訓導弟子員五年以薦赴京時授廣州番禺令政尚平易不以察察為明時官造舟富商儲貨高估以病民最預令采山場藤木宿峙以待所需官民兩便六年颶風掀漲平地水深數尺鹽倉濱江貯數百萬計浸幾及之最躬率民丁俾家出一囊盛土石築堤以防堤高漲縮貨賴無恙蓋其舉廢興墜惠民實多而尤顯精於學校先是學圯師儒賓禮無地最捐俸構講學堂齋舍未幾坐事免歸十六年以明經舉仕至

兵部侍郎卒於官

據阮通志修

道同河間人其先蒙古族也事母以孝聞洪武初薦授太常寺贊禮郎出為番禺知縣番禺故號煩劇而軍衛尤橫數鞭辱縣中佐吏前令率不能堪同執法嚴非理者一切抗弗從民賴以少安未幾永嘉侯朱亮祖至數以威福撼同同不為

動土豪數十輩抑買市中珍貨稍不快意輒巧詆以罪同械其魁通衢諸豪家爭賄亮祖求免亮祖置酒召同從容言之同厲聲曰公大臣奈何受小人役使亮祖不能屈也他日亮祖破械脫之借他事笞同富民羅氏者納女于亮祖其兄弟因怙勢為奸同復按治亮祖又奪之去同積不平條其事奏之未至亮祖先劾同訕傲無禮狀帝不知其由遂使使誅同會同奏亦至帝悟以為同職甚卑而敢斥言大臣不法事其人骨鯁可用復使使宥之兩使者同日抵番禺後使者甫到則同已死矣縣民悼惜之或刻木為主祀於家卜之輒驗遂傳同為神云當同未死時布政使徐本雅重同同方笞一醫未竟而本急欲得醫遣卒語同釋之同岸然曰徐公乃亦效永嘉侯耶笞竟始遣自是上官益嚴憚然同竟以此取禍

史本傳修

童謨浙江人洪武間知番禺縣號繁劇謨一以廉謹自持政平賦均民安訟息時長樂合習韶寄詩贈之有共誇仙掌露不羨玉壺冰之句人以爲確論以丁內艱去後至江西按

察使據黃通志修

高瑤閩縣人天順中知番禺縣謹案粵大記作多異政發中

官章眷通番事沒其貲鉅萬於官眷憾甚誣奏於朝瑤及布

政使陳選俱被逮士民泣送者塞道瑤竟謫戍永州釋還卒

據明史本傳修

徐志字子聞直隸山陽人善行草能詩以戴禮魁成化癸卯鄉薦正德初來合番禺雖政事不甚敏捷然宅心光明真率愛民於財利秋毫無所取凡上司所需皆出自己俸不足則

貨其妻簪珥以繼之尤注意學校每月輒至明倫堂課試諸

生給以紙筆燈火貲宿於舍者助以廩肉時林廷玉督學每

嘉獎之會御史劉祥奉使查庫察其清慎薦之尋陞儋州知

州行間病卒于官貧不能斂有司助以棺衾至今士民猶惜

之據黃通志修

王澄字克清羅田人進士正德末知番禺縣興學校均田糧

祛妖僧表貞節恆以奉公舉職自任後擢主事卒于京士民

至今懷之全上

唐澂字文煥全州人其先人遺田四十畝供子姪讀書澂曰

讀書分內事何以田爲盡以贖宗族登成化甲午鄉榜授番

禺知縣時山賊連年肆掠至則遣諭之盜悔過境內遂安鄰

邑黃馬二姓構訟十二年不決澂爲白之考最入京道卒據廣

西全州志修

沈一定浙江慈谿人嘉靖間以進士授番禺知縣霈德率軌樹廢釐弊三年而治化日新士民德之時建議外官有政績得亟封其父母一定以奏最被恩榮因迎養父母于署侍郎黃佐與邑人士采輿論奉觴祝之其祠曰禺山奕奕既夷既闢匪榛匪棘長道是迪譽髦我俊碩維君侯之力維君侯父母宜眉壽斯億禺山之下原田膺膺有黍有稌亦有甘雨豐稔我疆土維君侯之祐宜眉壽斯億維君侯父母禺山之阜有傑斯構以析以漏罔夜以晝以過彼黷寇維君侯之祐維君侯父母宜億斯眉壽

據番禺志修

李愷字克諧福建惠安人嘉靖壬辰進士授番禺知縣東莞番舶所轉由縣令徵稅久或侵漁愷徵稅如額夷商歡呼後

擢湖廣按察副使除平苗寇著有介山集

據番禺志修

陳宗道嘉靖間進士以能文知名於時授番禺知縣吏才敏捷剖決如流頌聲騰起秩滿入都時香山侍郎黃佐寓省垣為作珠浦輿誦送之曰送於何所別我父母牽緇衣兮珠之浦浦有珠兮蒼蚪藏奮而騰兮雨八荒思我父母兮浦之陽

據番禺志修

張存義福建建安人嘉靖進士莅番禺才能肆應耐繁劇慈祥愷惻有惠政擢惠州府知府

據番禺志修

穆天顏湖廣黃岡人嘉靖中進士授番禺知縣清慎明恕視民如傷加意人材多所作育民建祠仁壽里後舉祀名宦

據番禺志修

沈思孝嘉興人隆慶二年進士為番禺知縣殷正茂總制兩

廣州府志 卷一百一十六  
廣欲聽民與番人互市且開海口諸山徵其稅思孝持不可

據阮通志修

傅慶貽字有積南安人萬曆十三年以進士任番禺知縣公

恕廉明催科不擾一切輕生圖詐匿名告訐及以盜攀良概

置不問民有貧無以養而父訴其子不孝者慶貽捐俸慰諭

父子感泣以內艱去桐棺具殮行橐蕭然民泣送之據番禺志修

鄭陞字龍嶼福建長樂進士萬曆三十七年任番禺留心民

瘼作政議紀要先是邑志久缺陞至則延在籍少卿王學曾

侍郎黃儒炳刺史高為表等開局纂輯乃有成書後擢兩淮

鹽運使著鹽政要據番禺志修

張國維字玉笥浙江東陽人天啟二年進士番禺知縣政尚

廉平興學校課農桑以德化民聽訟從容不盡繩之以法有

兄弟爭產為之歛歔嘆息民立悔悟清理沙漲田數萬畝以

業貧民縣有蠟塘蜆塘產息不貲貧者藉以謀食而豪右據

之國維窮究其初皆官地也使貧者稅而司其利遠近悅服

後以閣部督師死金華事具明史本傳粵民建祠祀之據浙江通志

志王維德政記番禺志參修

汪游龍字六御江南懷甯人崇正辛未進士任番禺知縣律

已廉待民恕勤勸課育人材行取御史士民為頌以識去思

巡按福建激揚嚴正卒于任據番禺志修

盧兆熊江西餘干人崇正十三年以進士宰番禺性和平常

訪求閭閻疾苦無論紳耆即荷畚鍤操衡量者皆得以利病

相告越兩載政聲翕然會丁父艱去士民送者揮涕如雨全上

頂邦柱廣西桂林中衛人嘗受教於泰泉領辛卯鄉薦為番

馬訓導以善教屢為撫按所薦嘉靖二十六年擢感恩知縣

上全

唐同江夏人萬曆十二年為番禺丞以清白聞時令以給諫  
謫遇上官僚屬多傲會入棘闈有里正荷校于門同曰若等  
何罪命盡釋之左右不可同叱曰某非佐令者乎杖左右竟  
釋之時上官雅重同委攝邑篆力辭不就乃委知事紀某紀  
好作詩日集詞人于堂同復厲聲曰縣堂自有政事催科撫  
字是其職何用此為紀置官貪濫取民間物同追還之後竟  
辭去

據郝通志修

岳嶺山東濟甯人由太學生授番禺主簿操守廉潔有幹材  
正統十四年獄囚黃蕭養作亂寇海上嶺奉委轉饒至章涌  
為賊所困鄉民率眾救之得脫景泰元年賊平大吏以瀕海

多附黨議徙勦之業發兵矣嶺具言非民助虐皆出脅從且  
善良受害甚慘不宜概加誅戮復率鄉民詣軍門力辨其枉  
情詞哀切至願以身代事乃得免民感其保全建廟於章涌  
鄉祀之

據番禺志修

陸昌期嘉定人天啟中由倉大使遷番禺沙灣巡檢勤敏廉  
介邑令某異其材每加委任昌期潔已奉公凡盜案株連前  
官以為囊橐者昌期痛革其弊民甚德之後令孫曰紹得巨  
盜金宥出之盜復嘯聚肆劫昌期不勝憤親率民壯往捕獲  
之縛投諸水盜遂屏息令大憾遂中以法罷歸里民扶老攜  
幼相送子元輔為名儒

上全

周亶餘姚人始任豐城丞治民有聲丁內艱起復改南海居  
官清慎景泰三年開設順德縣治撫按藩臬薦知縣事悉心



經畫縣治規模粗定時俗獷悍立保甲之法境內賴安  
惜民財遠便佞去淫祠勸農俗明年八月卒于官

據順德志修

錢溥字九峯直隸華亭人正統四年第進士授翰林院檢討  
歷官侍讀學士景帝立坐交通預帥卽位詔黜令順德當道  
皆都中舊好知溥能以文學飭吏治聽所爲不掣其肘凡養  
老恤貧興學育才諸事無不次第修明嘗爲耕桑政教圖男  
婦老稚皆見而知勸置麗譙樓及戎眾亭至未匝月自築城  
濬濠一切革故增新無不規模井井用是氣色改觀舊習不  
變民造生祠以祀未幾起復原職尋遷南京吏部侍郎以尙  
書致仕卒諡文通

據順德志修

謹案順德志云羅司勳集有告除錢文通公生祠文  
至自比諸朱子之移文除秦檜祠可見溥人品疵謬

實多而前志俱爲立傳亦以有功於邑善不可沒也  
茲仍舊志復節錄司勳文比而存之庶昭好惡之公  
且見美惡本不相掩云文稱溥正統時爲檢討媚事  
王振振敗以善佞免景帝立廢太子而立己子溥爲  
東宮官實懲患之得事愍太子睿皇復辟以易儲欲  
罪之溥善石亨得不治改尙寶少卿夤緣轉侍讀學  
士景帝詔取兩翰林教諸小閣沈舒良謀引溥溥不  
悟乃舉呂倪二侍講不逾月俱陞學士始大悔天順  
中用石亨薦爲會試同考所取許起石浚皆大臣子  
弟物議沸騰旣謫順德少聞父老道其政指皆曰溥  
天子近臣諸司優禮時民風厚獄訟簡以此取名與  
韓雍善推轂於上倚用鄉豪煽於下相稱譽由是徵

復為學士陞南京吏部侍郎言官劾溥謂天變皆溥貪污所致不得已乞休求璽書縣傳而歸於是晉尚書致仕家富大治田宅令其子權利華亭人唾罵之云云攷司勳文章氣節卓越當時又生距溥僅數十年其於溥立朝本未見聞最確是非斷然不謬除祠之議實非一人私見惟祠經久定獨能毅然去之亦見斯時清議尚存不似今之無斷也要之司勳排斥示天下之公非前志表揚誌一邑之遺愛除祠而存傳最為允協司民牧者但有惠民實政即一二事自屬可傳亦善善從長之義後之官斯土者可以勸矣婁璿浙江東陽人監生成化五年為順德縣令性剛果好摧折權勢政自己出典案老奸不敢過縣門事有統紀獄無留

滯宿弊為之一清口不言錢聞貪污者雖上官及僚佐輒放聲唾罵子姓讀書就外傳皆令自執兩具且語之曰皂隸承事於官非汝輩所宜有其嚴類如此竟被誣去據黃通志修

楊昂字孔容建安人以祖文敏公榮蔭入監宏治中知香山縣事里胥以其出於相裔也或遠逐焉昂曰是欲為楊鱗者邪斥而遠之饋送一無所受涖政愷悌上下皆稱其廉能巡按御史聶賢疏言宜治繁劇遂調順德益勵清操其政如治香山時以節愛為本考滿致仕去任其子崇來為僉事二縣之民爭先快覩曰此吾舊父母之子也其遺愛如此據阮通志修吳廷舉字獻臣蒼梧人宏治二年進士知順德潔己愛人動以古君子教民成俗自期修文廟毀淫祠舉壇廟秩祀病民間婚喪踰節刻朱子家禮書頒行之自城郭官署宅舍古蹟

寺觀下至鄉亭百廢具舉時陳獻章講學江門一時士大夫多折節從之遊廷舉每與往還酬唱鄒智謫石城以事留省道順德廷舉特敬愛之會智卒方伯劉大夏以公至適廷舉方出為智治喪具未及掃除館舍大夏知乃益重之與定交焉故事市舶太監合官為市物備必還其金至是以葛屬廷舉為市二葛示之曰中度則市否則索諸產地可也太監怒棄葛收金以去他宦者過所部以賄索廷舉率士民逐出之性直諒不能洩忍事上官御史汪宗器至謂是固抗上市能者心惡之會廷舉毀淫祠留餘材備堤築而書院賢館學宮諸役悉取給於是汪罷而按之徵竹木斤兩直殊瑣廷舉日囚服楷手對簿士民相與訴廷舉無私盜狀有泣下者都御史大慚遽釋不問還其官為縣已十年矣宏治九年乃遷

成都同知送者百艘憂歸補松江用尚書馬文升劉大夏薦再來僉事兵備平十三村池水諸寇進參議正德初歷副使與鎮守太監潘忠互訐逮京劉瑾矯詔坐枉道還鄉械吏部十餘日戍雁門起江西參政平桃源賊擢廣東右布政以南京工部尚書卒諡清惠廷舉長身而瘠言信行果民有疾苦必去之而後快令既久婦孺並能道其清節按五山志林載山墓及故宅改官署屢見其形事以不經不載據明史修怨家毀其父蛇

莊科福建晉江人舉人來粵初令開建地瘠民貧能以介自守有賢能稱旋改順德益展驥足處事公平無稍偏私開悃撫循民稱豈弟循績奏最遷南京刑部主事復外擢官高州知府據順德志修

邱道隆字懋之上杭人正德甲戌進士知順德縣先是邑人

馬澹令其縣葺衙宇一工日筆其徒詰之子也自陳子欲讀書怠於工故責之澹欲試其質適署前演蘇秦劇以說六國君臣易語使為偶句遠應聲以處一家骨肉難對澹大奇之延師授以學瀕行出百金託一紳終之道隆既第至是適合順德時澹老病歸久矣所居雞洲距城五里道隆每日早見澹還乃視事築路曰問安澹病侍藥不離訟者咸決於澹室明斷如神以迄於終不倦戊寅饑捐俸倡賑存活甚眾除宿寇毀淫祠修學宮秩滿遷南雄知府擢御史請卻佛郎機貢有直聲

全上

曾仲魁字斯達晉江人第進士袁鉞荆門州人舉鄉薦嘉靖初相繼擢知順德蒞政皆廉靖不擾施惠以撫疲民修橋梁興學校賑荒贏後曾擢給事中袁遷工部主事歷正郎惠德

媿美民相率立二公去思碑于城南

據阮通志修

胡友信字成之德清人隆慶戊辰進士授順德知縣縣歲賦率奸胥攬輸稍以所入啗長吏謂之月錢友信與民約歲為三限多寡皆自輸不收贏於是閭里無妄費而公賦以充海寇竊發部內烏洲大洲賊所巢穴友信悉勾得之以勁卒搗其巢誅渠魁餘黨解散又鄉立四應社一鄉有警三鄉鼓而援之不援者罪同賊賊不敢發初友信慮民輕法蒞以嚴既令行禁止更為寬大或旬日不答一人其治縣如家弊修墜舉學校城池咸為更新督課邑子弟教化興起卒于官士民立祠祀之

據浙江通志修

葉初春吳縣人萬曆十一年進士為順德知縣以治行徵敗衣粗食有餽之者輒麾之去曰吾自安之毋相苦也昔劉虞

敝衣繩履食無兼肉獨不可令初春效之乎據明史羅大鎔傳分省人物考

方學龍字叔允萬厯己丑進士為順德令興學校平賦役簡詞訟嚴防禦時海寇猖甚學龍出奇計殲厥渠魁海氛克靖

據浙江通志修

倪尚忠字世卿浦江人萬厯戊戌進士授順德令於時順德稱下邑科第寂寥尚忠日進士子課藝文取其尤者拔之嗣後春秋二榜登第不絕人比之文翁云居官清白革浮耗絕請託講六箴嚴保甲皆以實心行政又力抗稅監剪除巨惡後為忌者所中左遷郡丞百姓攀留遮道為立祠據郝通志修黃金貴字又生分宜人天啟二年以進士知順德縣政廉而明固圉無冤催科不擾四境又安作興士類人文蔚起以最

薦擢御史官至漕運副都御史上全

周齊曾字唯一鄞縣人崇正十七年以進士知順德清介有守卻耗羨除豪猾拊循小民民親事之朞月以抗朝貴拂袖去百姓閉城累日留之不得時論惜焉上全

沈鈇福建詔安人萬厯二年以進士任順德令宏治初吳獻臣來為縣閱六七年士民之稱頌者萬口如一鈇至慕其為人以公廉正直自勵而不尚聲色貌弱神強勤於治事常至日昃或竟更深自啜苦茗而已尤能發奸摘伏或率妻告子博鈇曰父子皆博何獨責子但織若屨可足食博奚為耶問妻何年少答曰再娶則笑曰汝誘而有之何欺予其人震慄謝揮去之某甲者以事詣署猝問若為某說某事成否甲但俯首稱死罪嘗使隸捕人匿逃弗獲即令其向某所蹤蹟

之且指某人某事為識如言悉符縣中遂待若神明無敢私觸其法一生以妻妬無子置妾別居妻給以納妾歸同室生欣然偕渡河會日烈笠而溲妻遽抽刃隔笠貫之推墮海中以妾殺夫告鈇驗尸得席人刮草刀近處惟小洞村業織席久之乃召小洞人析薪從容謂曰有指汝殺某者必得賊始可生汝析薪者懼力求刀所自來盡得黨與讞定而妻自絞死焉一邑稱快廣置學田贍諸生為之循循化誘教諭曹綽以錢貸民權子母鈇怒焚其券邑御史鍾曉以諫迎生佛謫瑞州著奇節既死鈇具申兩臺使者表之嘉靖中曾袁相繼為令並著循聲而不以苦節邀名鈇繼諸賢後能做衣蔬食家人歸不持縣中一物巖峻更過之嘗欲覈沙潭田抵浮糧未及就緒即遷南戶主事不覺頓足曰設再展數月吾事濟

矣終身舉以為恨鈇貌癯然若不勝衣而能使豪強畏憚不敢少肆故巨室之稱祝者轉不如小人之思慕忱誠也據順德志

吳裕中號磊石湖廣江夏人由進士為順德令為人諳練洞達作事尤極光明讞獄執法無所屈以性過嚴厲用刑未免稍刻孝廉劉中雷為書規其偏聞即改之在任每為善類所稱頌愛戴出於至誠而姦惡則交口肆其詆誹矣秩滿轉西臺御史督師能廷弼拒抗大兵為所敗被逮上疏力為申救下獄廷杖竟絕氣縣民間信相與太息泣下至今思之全上施樑字仔吾歸安人以進士知高明性爽敏視事揮筆立斷不施鞭扑而民自樂輸將造就人才考較孜孜不倦居二載萬曆末調順德率初政行之尋擢江西道御史據張府志修

謹案順德志云諸舊志不載惟姚志有之今據廣州府志

趙璜江西餘干人舉人宏治三年任教諭植品端方以清潔自勵生徒咸敬服之

德志

李興秀廣西宜山人舉人正德三年任順德教諭居常必以禮自處規繩無所逾越其教人也設為科條隨其質性諄諄善誘與人接藹然可親遇者如坐春風凡義所當為雖竭其貲力不惜以母憂去

據順德志修

王時中字執之侯官人領戊子鄉薦為順德縣教諭嚴重簡

默師範端方教人必以求放心為要因號心齋倡義相調士

習歸厚立諸生會約親校其文至今彬彬可觀邑中士大夫

咸加敬重擢知陽朔士類追思為立碑於堂後

據阮通志修

吳孟謙福建莆田人家貧自起為府小吏性峻潔宏治三年

為順德縣丞民供析柴薪錢孟謙曰丞何功其受此哉時值

後山用兵孟謙供餽軍仗山盤水運風雨浥爛數損於舊孟

謙悉以已俸償之人無知者卒于官前翰林鄒智誅之曰君

性蕭疎君貌嶮嶮坐久無言言無破碎與長官居庶事悉委

公庭如寺詩思如水於戲若孟謙者其不負丞哉

據黃通志修

劉堯臣字汝弼晉江人以乙榜萬曆八年授順德教諭時以

文章振勵多士尤慎考課自為文示程式而諸生亦誦而效

之遇貧生必出私橐以贈先是令尹沈鈇念宮牆將圯懷修

復志且士之絃誦於學者宜有所以資之也於是取廢寺田二百餘畝以所征給諸生留其贏以為修學工役費自始迄終皆堯臣為之經畫區處無不曲當他令將以私憾文致數生訟且急堯臣力為解乃已署令清慎自勗徵輸耗羨無所私繼權增城並有聲還舟卒於道

據順德志修

陳雍字效冉江西泰和人由舉人嘉靖二十年署順德教諭教諸生不尚科條務以身為先率勤督課業月一考較而獎勵之有貧甚缺食者輒助之故士樂從之遊平生恥干謁縣令吳獻臣雍鄉舉同年也公見外無私函來往會舉鄉賢必其所知而後可以守正受人訾毀弗恤也五年聲績擢令故城母艱起補如皋禦倭有功遷揚州府丞罷官後舊時諸生若龍垓龐尚鵬倫文敘鄭吳區志才林挺春董士正梁柱臣

輩同時貴顯每道出江右必詣其室問起居唯謹

全

秦彥盛湖廣京山人性慷慨每急人急而未嘗望報以是少有任俠稱始為吏有利商人貲以盜誣被繫至官彥盛委曲白之商人厚報其德拒不納以吏材任都甯巡檢廉潔有守巡檢職最近民每以操切騷擾彥盛至鄉里安之愛如父母嘗奉造船估二百金彥盛親督而樽節僅費百三十金而材堅適用官卑無赫赫之功即其一節其生平介潔奉公皆可類推也後卒官不能殯知縣吳廷舉素重其人資助喪始得

歸全

袁溥江南吳縣人嘉靖十五年以吏員任順德典史有幹才治事明敏先是順德號劇壤民俗疲敝前典史不能事上官卑無可降即罷為民為此官者俱以事斥退溥至鑒其失一



廣州府志卷一百六  
切事上接民恤囚緝盜無不盡職上官賢之以薦擢南州司錄事

上全

畢瑄籍貫無考洪武初知東莞邑值兵燹之餘荆榛遍野瑄與縣丞八禮台招徠安輯流亡來歸田里日闢廉能之譽著聞于時

據東莞志修

詹勗字勗之饒州人洪武五年知東莞廉介有守馭吏甚嚴而泣眾寬簡修廟學均力役海濱寇起率眾擒之四境以甯

上全

王仁山西人洪武十一年以茂才知東莞為政明敏務抑豪強植孤弱尤以興學崇化為己任暇則與諸生講解以勤惰自勸懲士風為之振起

據東莞志修

王世榮金華人洪武十六年知東莞愷悌慈諒循聲藉甚時

邑遭寇變人民流離乃遷集勞來資其不能為生者俾復故業僅一考去邑人至今稱之

上全

盧秉安字文定江西南豐人洪武三十年知東莞廉介有守為民興剔利弊不遺餘力歲小稔輒緩徵曰甯以後期注考毋督蹙窮簷也民反爭輸恐後有訟者獄既具好言論之曰吾不忍繩爾以法恐爾無以立于人直者氣平曲者感泣而其怙終者薄責之示辱而已囹圄常空考滿當去民相率籲留居十九年再留之不可得爭為詩歌以送秉安悉納囊中留一絕曰不貪自古民為寶今日偏貪詩滿囊十有九年臨劇邑幸無一失掛心腸士民思之不置舉祀名宦

據東莞志修

吳中字時中江西樂平人天順五年以進士知東莞泣事明敏濟嚴以寬歲飢力行賑恤貧民或逋課輒措置代輸土孽

黃涵聚惡少二百餘剽掠鄰邑有欲急圖之者中謂烏合之眾宜緩以離其黨乃下令能縛送渠魁免坐其下果縛涵至餘黨悉平留心學校祭器坊碑悉更置之道路橋梁靡不修舉成化元年巡撫葉盛薦守惠州亡何邑寇起督撫韓雍檄中回邑捕盜中嚴行保甲瀕海蛋民由黃深訖獵德盡編入排甲互相覺察有為非者即日就禽盜遂絕跡改知廣州歷貴州布政使據東莞志修

黃塗福建甌甯人宏治八年知東莞蒞政甚勤居心平恕每陰行善事不汲汲名迹以拙于催科左遷去士民思之據東莞志修

陳甯字仕泰福建晉江人宏治十六年以進士知東莞未旬月百務具舉性剛方不畏權勢清操亮節卓絕一時遂于易

學暇則進諸生講授未幾卒于官同上

陳墀字德階閩縣人布政煒之子正德元年以進士知東莞惟一僕隨清慎愛人人咸化服邑商引錢例歸私橐墀悉解司府不少染指衛軍李靖等坐穀腐繫獄力請免償民有典女贖罪者白當道貸之其仁愛類此官至貴州按察副使據東莞志修

李性字仲復福建長甯人嘉靖三年以進士知東莞不以家累自隨訟庭清閤吏畏民懷時海利多入勢家性奪而歸之民徭役悉均里平不擾嘗集諸生講論經義多所發明歷官知府據東莞志修

林啓字仲鎮福建龍溪人嘉靖八年由舉人授東莞令以均里役省科歛為首務每春必親歷阡陌勸民力農為政一本

于誠不事煩苛海寇黃秀山亂巡按李美歸責于啓啓歷險阻討平之卒以左遷去囊無餘資民有齋金餽于途者峻拒

不受據東莞志修

曾樂字思韶江西新淦人以鄉薦任南雄府推官嘉靖二十

二年攝東莞邑事清節著聞民懷其惠據東莞志修

林功懋字以謙漳州人嘉靖十二年以進士知東莞才識明

敏嚴馭吏胥郵里甲徵輸分責之排年遇有追攝惟遣里長

民以不擾滯獄疑案剖決一清嘗權番船稅不受私賂夷人

畏服巨寇許折桂既降而恣橫不悛執而斃之獄邑人德焉

官至四川副使據東莞志修

孫學古字汝邃蕭山人嘉靖二十五年以進士知東莞首革

里甲公費恤貧賑孤蒞事嚴明令行禁止學校官署減倉橋

道以次修葺東江堤圯增築如初性卞急一日燕集指揮安

憲微規之亟揖謝遂刻銘座右其勇於受言如此朔望必見

父老耆儒詢以政事利病問閭疾苦舉而行之公餘好稱詩

嘗過鳳凰臺見賦客咸集卽下車與唱和在任三年以治行

徵未赴卒于文闈中遺囑不及其私囊篋蕭然妻子幾無歸

計邑人立祠于上清觀祀之據東莞志修

管登字宏升江西雲都人舉人嘉靖間以廣州府通判署東

莞縣事登遊陽明之門每以良知之學訓迪多士為政簡靜

緩刑薄賦去之日民依依不舍據東莞志修

胡瑞新喻人嘉靖間以韶州府同知署東莞事廉慎自持無

赫赫之名而民自不擾嘗撰二陳令政績碑慈諒之意藹然

據東莞志修

何价字君藩衡陽人嘉靖二十九年由舉人知東莞盡心民事甚有條理尤折節下士海寇王亞八掠境設方畧討平之

尋遷南京江甯縣

據東莞志修

安欽字敬甫桂林人嘉靖三十三年以舉人知東莞事政尚寬簡省刑息事民被其惠以忤上官調知陵水邑人思之尋

遷欽州知州

據東莞志修

舒應龍字時見廣西全州人嘉靖四十一年以進士知東莞時年甫弱冠人或易之及治事剖決如流柘林戍兵飢而謀官捕之急遂肆掠近郊民數萬惶惑走城中勢洶洶應龍與指揮安國賢馳詣城外部分之令洞開四門所全無算懸重賞以疑賊為木牌散之海誘令回柘林賊得遽逸去人以為神斷獄多人意量所不及有嫗鬻豬得贖金不能名其人也

應龍出有豬當車前雀鳴簷瓦間顧謂市僧曰此中有朱曾

其人乎曰有之召問何為以贖金欺嫗其人驚服未三年遷

去民思之不置立祠于教場之右歲以五月五日致祭即兵

變日也後歷官至尙書

據東莞志修

楊守仁字嘉復閩之漳浦人嘉靖四十五年由進士除東莞

令以廉能名其設施必求有益於民誠意惻怛不循虛譽時

海賊蜂起茶園當賊之衝守仁相度形勢捐俸倡築土圍一

夕落成民得避難立永賴祠以祀之

據東莞志修

董裕字惟益樂平人進士隆慶六年任東莞咨詢疾苦置豪

民奸蠹數人于法興起教化肇舉荒政設義倉惠賊方流劫

邑城久圯裕經營修築兩載屹然雄峙以新安去邑治僻遠

請割建為縣至今利賴蒞政三年詞訟衰息盜賊不興去莞

後民謠曰天眼若開董公再來蓋既去而懷思之若此歷官  
侍郎有遺愛祠在縣治西據東莞志修

楊寅秋字義叔江西泰和人萬曆三年以進士知東莞九年

詔天下覈所部田畝清釐賦稅寅秋為條議十有四規畫周

悉日單騎馳田間計畝均科凡溢額萬石有奇寅秋曰賦惟

求舊遂以所贏餘均則之輕重浮稅一清數月奏績報冊獨

蚤明敏精核至今稱之據東莞志修

馮士豪字九翔南直人進士萬曆三十七年署東莞事清介

剛直務抑豪強未期月卒于官篋無長物士民哭之甚哀建

祠以祀野老傭夫競出錢以助工云嘗手註禮記邑人誦習

之據東莞志修胡繼美字秀文鄱陽人萬曆三十九年以進士知東莞邑事

為政敏練吏不能欺催科盡革浮耗之弊閭閻做俗皆有厲

禁無敢犯者嘗曰治盜不探其本雖日殺數人不可止今日

之游食罷民即他日劇盜也莅政三年市無聚奸野無伏莽

編造丁冊惟均其登耗不務增加民食其德立遺愛祠在衙

之左歷官至大理寺卿崇祀名官據東莞志修

周昌晉字晉然浙江鄞縣人由進士萬曆四十二年知東莞

性慈愛聽訟蒲鞭示辱四十四年邑大水昌晉開石隆壑以

疏水道邑人德之擢南京御史全上

李模字子木吳縣人天啟四年由進士授東莞令甫弱冠摘

伏如神黠胥皆懼伏丙寅邑大祲飢民多攘奪模單騎馳諭

乃榜首亂二人于通衢捐俸倡賑合富室平糶邑賴以安其

于振興文教尤孳孳不倦立鵠社定為季考月課與人士窮

經講藝以治最擢御史去之日士民攀送數百里建生祠以

祀據東莞志修

林明順字孝臣海澄人崇正庚辰進士授翁源令調增城又任東莞縣故多盜明順肩輿入賊壘諭以禍福賊留之三日民慮其危輸金往贖而賊已歸順擁令輿至矣乃以民所輸

修學宮治橋梁尋擢御史據福建志修

胡性字一之廣西桂林人嘉靖二年由舉人署東莞教諭性敦厚不屑屑修邊幅教法寬而有制鍵戶下帷與諸生講論無不各厭其意據東莞志修

方維翰莆田人成化十七年任東莞教諭嚴毅自守衣冠終日日教諸生各隨其資皆令宿號舍晨夕察其勤惰有貧乏者舉助無吝色士夫談者首歸焉據黃通志修

莊禮閩之長樂人宏治五年由鄉貢任東莞縣教諭性溫而栗行恭而愿每進諸生剖析經義有未達者必廣譬博諭使必通而後已其子文元孫惟春相繼登科人以為作士之報

上全

林有年字以永莆田人由鄉薦宏治十四年任東莞教諭恪恭厥職銳意作士簡其學優才瞻者擬題授之作義而裁成一家俾後進倣習之好學重道執贄張詡之門林時嘉嘗從陳獻章遊遂為莫逆交考滿赴京士大夫作旗山仰十卷贈之後以薦陞御史官終貴州兵備副使據八閩采風錄修

周蘆臣湖廣永明人嘉靖三十九年由歲貢任東莞訓導性剛介不阿謂士之所以異于齊民正賴此體貌矜重氣節嚴正耳奈何不自豎立其誨諸生諄諄以植品為先或上官遇

士無禮輒力爭之卒以不合去學故有經史閣歲久圯蓋臣

始復營之據東莞志修

范憲江西樂平人舉才行正統七年授東莞丞沈毅寡言笑

在職八年民愛戴之歲己巳土孽黃循等結叛賊猝攻城憲

率民兵守眾寡不敵死之據東莞志修

解洛湖廣荆門州人萬曆二十七年任東莞丞治事詳慎能

舉其職嘗監修學宮及開濬河道事辦而無濫役民嘉其勞

為豎碑頌德後陞北直涿州判據東莞志修

郭郁鄰山西屯留人洪武五年來丞東莞廉介自守日餐蔬

食不事飽暖邑人何原璉陳東喆饋以生魚被服郁鄰曰吾

素志如此辭而不受疾終于官無以為斂邑民爭往弔賻之

據黃通志修

歐陽州字汝行恭城人事繼母孝以隆慶壬申歲貢生選東

莞縣丞有能職署邑篆一載清慎得民尋致仕歸合邑立碑

年八十終據廣西通志修

虞貴者廣西柳州人也由舉人正德五年任從化明辨廉惠

涖政有體未嘗以小怒出入人嘗退食有里長挾銀盤蓋以

獻貴從容諭之曰吾不私於汝汝可持去後以才堪治劇調

東莞縣據從化志修

呂天恩字仁甫號湘泉廣西灌陽人也由舉人嘉靖二十六

年任從化為政寬猛並濟而尤以愛人為先民間利害不憚

力為興革時賦役之法未定小民每苦加派天恩首為寬減

里田蘇息兩造至片言立剖有疑輒為之平反訟者率不忍

欺馭下甚嚴即猾胥無敢為奸日用所需悉取給於俸入市

肆之間絲粟無擾旁邑盜發所在告警歲復多荒天恩消弭有方境內獨安連年大稔咸謂德政所致時有分藩者欲以興建為名勢張甚天恩獨力爭于庭分藩愧沮事竟得寢會有中之者臺使下合訊司庫者拷掠至於垂絕曰合實無染即死不敢誣訊者乃大嘉歎其取信於人如此雅意崇厲風教人士欣然不變政暇輒興廢修墜百務咸舉縣署學宮暨祀典諸壇廟皆擴而新之嘗帥事黃佐多所取益為著清慎勤三箴邑舊未有志天恩始哀輯故實與邑人黎民表共修文獻賴以有徵當事者重其才六載考最擢判肇慶府民鑄石志去後思通志載人名宦據從化志修石案字和仲陸林人舉人嘉靖甲辰知從化縣廉靜簡嚴以文學飾吏治莫敢干以私者奸民多服胡蔓誣人受冤者選

選破家墨吏因而漁之案嚴其禁獄訟遂息居九月卒俸入

僅足治喪士民悼惜之據郝通志修

陳豫章者廣西馬平人也由舉人嘉靖四十年任從化爽朗有知畧上官知其材嘗檄餉兵平湖寇與有功比值流賊犯邑境輒親率兵以禦防守備至民多賴之禦賊時有猶子從

死於陣據從化志修

唐世瀄者廣西全州人也由舉人隆慶二年知從化性簡靜不事修飾素衣蔬食愛民如子訟至輒諭令息不息者得情而止訟日以寡時流賊竊發保護曲至嘗奉檄紀軍功嚴戒妄殺民有繫盜穴為兵所得者以金贖而免之居三年勤儉如一日里甲供億省十之七躬課多士鄉會兩榜得人為盛上官差役下邑多需索世瀄一切禁弗與不免為所媒孽以



故竟以年老無爲去世涓聞之輒然曰無爲可矣吾果老乎  
蓋時尙未艾也上全

袁士銳江西豐城人由舉人萬曆十七年宰從化性端嚴謹  
恪以清操自勵持法尙嚴不少假借常飾泮池修城堞煥然  
改觀爲諸生立同志雅會躬自勸課滿三載廉介練達視初  
政有加人尤難之後擢河南府通判歸貧窶幾不能自給云

據從化志修

王嘉猷南直潛山人以隆慶辛未進士授從化令才名卓卓  
遠近皆想望丰采比至則訪除宿弊凡所條布鑿鑿皆良法  
時方平劇盜復值凶荒嚴關禁以儲境內之粟民賴以贍無  
何廢疾以勞瘁增劇乞假就醫羊城而卒才不究用時論哀  
之據從化志修

侯邦治臨桂人萬曆五年由舉人任從化政尙寬平聽訟必  
得其隱微賦例有加收悉爲禁革嘗攝理番禺劇治劇才  
能益見值行弓田法乃躬履畝視高下指計目量推新增以  
補舊失適足原額吏無那移之奸民免加賦之累眾甚德之  
以改調去據張府志修

陳文著福建順昌人由舉人萬曆十一年知從化重厚有餘  
不厲聲色居數年民咸安之鮮有罹重罪者卽羣下亦樂其  
易事恆以作育士人爲念擢六涼州知州歷官按察司僉事

據從化志修

翟懋湖廣武昌人宏治十五年以舉人授從化教諭時邑初  
建庶事草創文廟甚湫隘懋乃改明倫堂爲之以兩齋爲廡  
復建明倫堂于廟後釋奠肄業俱有其所慷慨負意氣未嘗

受諸生餽遺貧者必給俸以周之後擢河池州知州據從化志修

彭時濟字道亨江西廬陵人中本省壬午鄉試授從化教諭

學問該博器度宏偉治春秋得師傅生徒受學者甚眾在任

雖食貧而操持未嘗少渝每見上官必加敬禮學憲蕭鳴鳳

少所許可一見傾意下之有司聘脩廣州志其編纂多協與

論辛卯福建聘為考官將赴試陞廣西脩仁縣知縣以薦入

為監察御史祀名宦祠據從化志修

傅陽明字際熙福建泉州人嘉靖丙午舉順天鄉試庚戌授

從化教諭賦性狷介學有原本諸生無賢否皆教之有貧生

以束脩見卻不受仍濟之以俸文廟圯壞力贊知縣鄭景昂

撤而新之規制益加宏偉隨捐俸為置祭器祀事乃備嘗署

邑篆雖勺米束蔬不受直指使屢加獎焉分守參政項喬重

其學徵修詩經通解書成陞南陵知縣祀名宦祠據從化志修

陳其箴福建莆田人嘉靖癸卯舉人三十七年任從化教諭

學問優長儀度俊整雅有師範尤勤於訓迪為文暢麗典則

當事者多其才特加器重縣嘗缺令即委以視事一無所私

時有盜梯城窺庫藏者身率數人禦之得保無虞陞興甯

縣終惠州府通判據從化志修

胡文遠福建漳浦人嘉靖乙卯舉人壬戌任從化教諭慷慨

有大志居官力學不輟尤邃于毛詩嘗以文行督課多士至

餽遺多卻不受居恒鮮怒色士無賢否一見皆以為坐春風

直指學使咸器其才薦之甲子江西聘考尋擢饒州府通判

據從化志修

張師益廣西宜山人嘉靖乙卯魁于鄉以隆慶五年任從化

教諭意氣超邁不事曲謹父嘗為巡撫師一洗貫介之習好古文詞尤工書草待諸生如子弟于月課外時時督之會文遺金以助會費所入俸不足供贍歲恒取給於家上之人重其才檄視清遠篆再四辭不允行至邑境乃以病告還其持已嚴介類若此後擢徐聞縣知縣據從化志修

汪椿浙江金華人嘉靖乙巳以歲貢任從化訓導恬靜有守論議確然有古君子風遇新進生輒首勸之學隨以講說意旨授之人以為真師儒也居九載遷臨穎諭尋陞高州教授時母年九十餘歸得上壽焉據從化志修

劉澤字歸善人萬曆十七年以貢授從化司訓樸茂不事邊幅脩贄勿較厚薄人甚樂而親之秩六載遷連山教諭據從化志修

張翼江西弋陽人宏治五年任從化典史為人機警尤留心於撫捕草寇姚觀昌作亂民多驚散翼安集之令其復業後獲賊首龍保四十一人餘黨百餘人地方為之稍甯未幾卒于官據從化志修

路玘福建福州人嘉靖十年任從化典史性敏給能舉其職縣有新民雖授撫諭而間出城市剽掠至殺人有司命玘擒之玘召其眾曰汝等毋得妄恣吾職雖小亦天子命官也茲來惟欲得其首惡耳遂獲數人送府斃於獄四境帖然令惡出已右竟考下下入覲罷官據從化志修

張銘福建南平人隆慶三年以吏員選從化典史為人恂恂若儒生而清謹自持勤於政事幕無宿訟時盜發猖獗城守孤危銘日夜防禦竭心力守巡兩道督兵至輒率先深入為

導所向著績褒賞有加盜平錄其功陞海康縣主簿復以能再遷翁源簿據從化志修

柴伸雲南人宏治十二年知龍門縣才行卓異惠政及民城池公署多所建立後卒於官民立木主以祀之嘗著愚牧解為人所傳誦據粵大志修

張翽南甯人宏治壬戌以舉人知龍門縣才而廉不畏強禦政平訟簡民德焉歷八年致政去與柴伸咸為民所悼惜云

據郝通志修

趙從乾柳城人舉人正德十一年知龍門縣時七坑寇發從乾策畫練兵躬冒矢石用殄滅之民獲安枕據黃通志修

吳宗元江西金谿人嘉靖十七年以舉人知龍門時縣方草創百度未興宗元與民休息慨文獻無徵延東莞袁永伸纂

修縣志公餘無事與周鵬袁永伸諸人倡和道氣彬郁實開文教之先解任後邑人追思立祠祀之據張府志修

林宗和福建晉江人舉人嘉靖四十一年知龍門縣時水源賊首何亞乙鄧廷鳳聚黨數千流劫鄉村宗和見城垣低圯遂增高數尺設戰具及賊至宗和身率士民堅守賊知有備旋引去給官地設東郭墟民賴之尋轉高州府判據龍門志修

殷乾江南吳縣人舉人隆慶三年知龍門法紀嚴肅政刑清簡署一聯於縣門云鄉下有田宜早種縣中無事莫頻來每坐聽事即勸諭吏役存心術勵廉恥守國法歲暮清獄對眾囚流涕曰哀哀父母生我劬勞何不肖至是今歲聿云暮祖宗之拜奠父母之侍奉妻兒之畜養戚友之往來俱廢五倫絕矣眾囚感泣乾矜之量罪輕重放歸完聚期元宵後回獄

及期眾囚悉至乾曰是可念也遂分別大小罪狀申詳大憲而釋減之三年間囹圄一空欖樹生獄穿瓦而出遷轉日縣民水陸送者數千至龍虎灘皆挽舟而泣乾慰藉三日乃得去其德澤感人如此據龍門志修

王許之江西高安人進士萬曆元年知龍門時邑尙草昧許之政暇令諸生問業每月三試一時人文蔚起先是倉廩空虛許之恐旱澇不時宜早為備乃條其議于上憲民有出粟二百石者給冠帶餘亦優獎于是積粟甚多適次年大饑許之出粟煮粥賑之所活無算增城胡庭蘭撰文刻石記其事許之旋調電白厯官浙江兵憲卒後邑民思其德請祀名宦

全上 廣東新語載龍門知縣王許之常立義倉計一邑之通以為約凡十家一甲五甲一保二保一約約擇民有齒德者主之副者贊之以協約事以知約中貧民良否應周多寡之實倉置于約之當社以貯義輸公罰之粟擇社中廉幹者

為長以董斂散出入之數凡五十五所而居仁由義之倉隸焉郊郭則附于公庾遠近相聯大小相比公私相攝于是知義之民輸穀若干益以隱稅之罰若干以分入諸倉歲春艱食則聽約中等差而散給之秋成如數董斂附以二分之息凡領必同十人互相恤而相察也冒者侵者有罰需例者有罰于是穀母常存而息歲增雖捐息亦且足給論者謂斯政也義以動民民忘其積大化也艱以食民民忘其死大恩也因以利民民忘其庸大道也

王士敏福建晉江人舉人萬曆十年知龍門因九年水災衝陷田地奉旨清丈布算均平又以學宮草創鬱湮捐俸鳩工移基易向與教諭謝天根董其事其後人材輩出皆敏士作興之功也據張府志修

李萬甯廣西隆安人舉人萬曆十二年知龍門修道路設約所每月吉集里民講六諭暨諸條約葺演武亭訓練鄉勇社稷神祇二壇久圯捐俸建復植松龍虎灘路旁以便行人休息又改附城舊設十八寨為堡置更樓撥夫晝夜分守民安

盜息去後有甘棠之思請祀名宦祠據龍門志修

汪化鯉福建惠安人舉人萬曆二十五年由詔安教官來知

龍門適值大祲之後加意周恤凋瘵悉蘇民德之化鯉博學

工詩常恥為俗吏捐俸葺七星樓公餘偕詩人吟咏其中居

三年以親老力請歸養去之日父老遮送二千餘人泰昌元

年祀名宦全上

伍世奇廣西全州人舉人萬曆三十七年知龍門縣先是邑

苦稅繁前令議欲派入民糧以便徵收世奇下車即集父老

商之曰稅雖不便有時而蠲一入實徵恐成定額後不可減

竟不編入民永賴之據郝通志修

林憲曾福建莆田人舉人萬曆四十年知龍門縣廉明多惠

政善斷疑獄一縣稱其神明慮文獻無徵纂修邑志地本僻

瘠又值憲曾才能優邁曹無留事百姓以囹圄生草庭可張

羅況之據八閩采風錄張府志修

王三重大庾人萬曆四十三年以進士知龍門縣性明察無

奸不燭有告人盜牛以皮置入池中一索得之三重大口此詐

也皮在池中汝何從知其發摘類如此其後以才調番禺終

吏部尙書據郝通志修

陳陽長福建福清人萬曆四十六年以舉人知龍門縣政簡

刑清與民休息尤加意學校嘗捐俸修飾文廟又請增科舉

二名新進一名遂為定例涖任六年士民愛之據張府志修

費嘉懋號斗垣浙江錢塘人崇禎元年以吏員任龍門典史

時飛鵝峒賊蜂起嘉懋奮不顧身殺賊亡於陣

國朝康熙五十九年知縣蕭大成祀之城隍廟內西偏據劉昇費

公祠 記修

李太籍貫無考宏治五年官上龍門司巡檢時從化賊起糾連山峒烽煙遍野太智勇過人毅然以捍禦自任見鄉人各繕垣牆為自固計太集眾諭曰禦寇于門牆此守涸轍耳所活幾何守也不如戰也且賊長驅直入目中尙知有民兵耶必輕敵吾若歛鋒避銳彼必團結營壘野掠以自給鄉村之危可立俟也不如乘其未集急戰以挫其鋒彼知有備必不敢久留守則禍深戰則禍淺吾率先戰矣鄉人曰寇眾我寡將何以戰太曰眾寡勢也虛實機也善守者不執勢而廢謀善戰者不昧機而制變今乘其勢未集率鄉勇以戰必獲勝而鄉村可保此策之上也鄉人猶難之妻陳素有膽略謂太曰鄉人之難者虞公徒勇耳料敵制勝決機固在心也太曰吾聞

封疆之司有死無二今各村垣柵不固人心洶洶與其陷而就擒孰若死敵而存吾民乎吾計決矣遂率鄉勇以戰自辰至午殺賊百餘賊敗走乘勝追逐數十里賊恨太甚越日悉眾來襲大力禦之終以眾寡不敵為賊所害陳曰公死吾何生為義誓不辱即自縊死九年置龍門縣鄉人思之建祠以祀每晴雨必應至今戶祝不衰據舊志何位忠烈傳修

南海李徵爵分纂

番禺周熾皋初校

番禺史悠履再校

南海顏以湘三校

番禺史悠泰四校

廣州府志卷一百六終





